







INSCRIPTIONES  
VEL TITVLI

# THEATRI

AMPLISSIMI, COMPLECTENTIS

rerum vniuersitatis singulas materias et  
imagines eximias. ut idem recte quoq; dici possit:

Promptuarium artificiosarum miraculosarumq; rerum, ac omnis  
rari thesauri et pretiosæ supellectilis, structuræ atq; picturæ.  
quæ hic simul in theatro conquiri consuluntur, ut eorum  
frequenti inspectione tractationeq; singularis aliqua  
rerum cognitio et prudentia admiranda,  
citò, facilè ac tutò comparari  
possit. autore Samuele à

QVICCHEBERG BELGA.

MONACHII

Ex Officina Adami Berg typographi.  
Anno M.D.LXV.

*Cum gratia et priuilegio Cæsareo.*

♀ Hac nota Mercurij, cui interpretis munus assignatum est,  
utimur, ubi inscriptionibus hisce succinctis designatæ sunt in al-  
tera commentarioli parte explicationes aut digressiones. Quare  
autem ita succinctæ sint ipsæ inscriptiones, partim initio, partim  
in fine digressionum indicatur.



CLASSIS PRIMA.

INSCRIPTIO PRIMA. ♀



Abulæ sacrarum historiarum: tam pictæ, quàm sculptæ, aut alio quouis artificio factæ: quæ in sacro thesauro, quippe ex biblicis, et alijs Christianis historijs productæ, primo loco ponuntur: atq; ita ob eximium aliquod artificium summopere venerantur.

INSCRIPTIO SECVNDA.

Genealogia fundatoris theatri: quæ gentis suæ vniuersæ, et affinitatis propinquioris certo ordine continet enumerationem. Ei accedunt etiam affinium principaliorum, & consobrinorum à fundatore honoratorum, arbores peculiare, huic principali seruientes.

INSCRIPTIO TERTIA.

Effigies fundatoris theatri, diuersarum ætatum: tum et eius parentum, cognatorum, & quandoq; antecessorum in officijs, quotquot præcipui in ea familia vel antecedente gubernatione fuerunt: quorum saltem effigies conquiri potuerunt: partim pectore tenus, partim integræ staturæ.

A ij Inscriptio

INSCRIPTIO QVARTA. ♀

Geographicae tabulae: quae & mappae uulgo dicuntur: eaeque vniuersales, & particulares: marinae et chorographicae. etc. Item principaliter regionis uel territorij ipsius fundatoris theatri, tabula praecommunibus quaedam illustrior, sumptuosior, et magis ampla.

INSCRIPTIO QVINTA.

Vrbes pictae: in Europa, Imperio, Italia, Gallia, Hispania & alijs, tam Christiani, quam exteri orbis regionibus illustres. Item fundatoris theatri archipoles, aut aliae inter reliquas celebriores, aut demum eae vrbes veletiam domus, quas dominus earum voluit honorare.

INSCRIPTIO SEXTA.

Expeditiones, bella, obsidiones, instructae acies, naumachiae, pugnaeque aliae celebres: vel nostro vel priscis temporibus spectatae aut usurpatae: quae saltem nostris gloriosae aut merito ob varios quosdam euentus rerumque peritiam Christianis ob oculos ponendae.

Inscriptio



## INSCRIPTIO SEPTIMA.

Spectacula, triumphi, festiuitates, ludi, et aliæ eiusmodi actiones, quæ vsquam imagine aliqua exprimi possunt: vt certamina equestria, celebritas concessorum regalium, ritusq; alij veteres, & noui. Item certamina gladiatoria, naualia, sagittariorum, ludicraq;.

## INSCRIPTIO OCTAUA. ♀

Animalium grandes picturæ: vt rariores depicti cerui, apri, leones, vrsi, fibri, piscesq; tam dulcium aquarum, quàm marini: et quæcunq; fundatoris regio profert præter comunem vsum memorabilia: aut quibus contrâ fortè caret, vt ob raritatem pictura in precio habeatur.

## INSCRIPTIO NONA.

Ædificiorum exempla ex arte fabrili: vt domorum, arcium, templorum, vrbium, castrorum, munitionum, ex asserculis, chartis, pinnulisq; combinata: ac coloribus fortè ornata. Item naues, vehicula, scalæ, fontes, arcus, pontes & aliæ structuræ exilibus formulis proditæ.

A iij Inscriptio

INSCRIPTIO DECIMA.

Machinarum exempla minuta: vt ad aquas hau-  
riendas, ligna in asseres dissecanda, grana commi-  
nuenda, palos impellendos, naues ciendas, flucti-  
bus resistendum: ect. pro quarum machinularum  
aut structurarum exemplis, alia maiora ritè extrui  
& subinde meliora inueniri possint



CLASSIS SECVNDA.

INSCRIPTIO PRIMA.



Tatuae lapideae antiquae & nouae: Cae-  
sarum, regum, illustrium virorum, di-  
uorum, numinum, et animalium quan-  
doq;. Exq; tam ligneae et argillaceae,  
quam marmoreae aut æris cuiuscunq;. Item frag-  
menta capitum, manuum, crurium, truncorumq;.

INSCRIPTIO SECVNDA.

Fabrilia artificiosa opera: ex quocunq; metallo  
confecta. vt aurifabrorum, orichalcifabrorum,  
horologiariorum, ensifabrorum, & aliorum præ-  
stabilium artificum, ex quibuscunq; metalli ma-  
zis, aut laminis, vel è sculpendi, vel fundendi arte  
aliquid producentium.

INSCRIPTIO TERTIA.

Artificum opera omnis generis: ex ligno, lapi-  
de, gemmis, vitro, telis, alijsq; materijs diuersissi-  
mis. Producta ex arte tornatorum, platarum, sub-  
tilium sculptorum, vitri artificum, acupictorum,  
textricum, & eius generis alia artificia tractan-  
tium, præter superius enumerata.

Inscriptio.

INSCRIPTIO QVARTA.

Supellex ingeniosa: & admiratione digna vel ob raritatem, vel ob loci, aut temporum interualla, à quibus petita sunt. Ea vero præcipue minuta: et elegantior: nisi & aliquando quædam grandior ad cognitionem peregrinorum rituum et operum conducere possit.

INSCRIPTIO QVINTA. ♀

Vasa peregrina: metallica, figulina, sculptilia, ligneaq; & forma multum differētia, partim ex antiquis ruinis effossa, partim procul allata: vel saltem in regione fundatoris theatri minus vsitata. Item quædam templorum vasa, & antiquorum sacrificiorum.

INSCRIPTIO SEXTA. ♀

Mensuræ, pondera, vlnæ, pedes, & geodætica omnia: in diuersis regnis ac rebus publicis vsitata. Omnino quæ sunt liquidorum, aridorum, spaci-  
orum, agrorum, fodinarum, fontium, & aliarum rerum. præter mathematica peculiari titulo suo loco recensita.

Inscriptio.



## INSCRIPTIO SEPTIMA.

Numismata vetera & noua: vt tàm Romana illa antiqua quàm alia peregrina, & domestica à proauis & attauis regibus principibusq; causa, ob eorum historiam et insigniã asseruata. Sunt autem aurea, argentea, ærea, vel cusa, vel fusa, vel sculpta vel impressa.

## INSCRIPTIO OCTAUA.

Effigies monetis assimiles: metallicæ, lapideæ, ligneæ, cereæ, gypsatitix etc. Regum, principum, optimatum, matronarum, hominum bello illustrium, doctrina clarorum artificijs probatorũ quædam etiam cum auersis partibus, vbi sic fortè offeruntur.

## INSCRIPTIO NONA.

Symbolica signa: & illa instar monetarum, sculptilia, fusa, cusa, impressa, ac arrosoria arte prodita. quando cum effigiebus non cohærent, sed earum quasi partes auersæ, peculiari titulo asseruantur, ex materia eadem qua effigies, aut monetæ.

B      Inscriptio

INSCRIPTIO DECIMA.

Aurifabrorum formulæ minutæ: ad imaguncu-  
las sacras, & prophanas: ad altaria, vasa, monilia  
supellectilemq; preciosam, vndiq; formam parti-  
culatim suggerentes. Inter quæ & ornamentorum  
formulæ frondosæ, floridæ, belluatae, conchiliatæ,  
volutatæ, etc.

INSCRIPTIO VNDECIMA.

Impressoriæ cupreæ formulæ: in quibus imas-  
gines excellentes in plano incisæ, vel arrosoria ar-  
te insitæ: quæ historias, effigies, insignia, emble-  
mata, architecturæ exempla, & innumerabilis ar-  
gumenti formas, pro ingenio fundatoris theatri  
continent exhibentq;.

Inscriptio



CLASSIS TERTIA.  
INSCRIPTIO PRIMA. ♀



Nimalia miraculosa & rariora: vt raræ aues, insecta, pisces, conchæ, ect. ex terra mari, fluuijs, montibus, syluis, & alijs locis producta: eaq; vel particulatim, vel integra à corruptione, quouis modo vel conditione conseruata, & exiccata.

INSCRIPTIO SECVNDA.

Animalia fusa : ex metallo, gypso, luto, facticiaq; materia qualicunq; : qua arte apparent omnia viua : vt lacertæ, angues, pisces, ranæ, cancri, insecta, conchæ, & quicquid eius generis est, quibus postremum coloribus ferè subuenitur, vt vera esse putentur.

INSCRIPTIO TERTIA.

Animaliũ grandiorum partes, nec non & minorum, si quæ memorabiles : asseruãturq; hic cornua, rostra, dentes, vngulæ, ossa, innati lapides, pelles, pennæ, vngues, exuiiæ, & quicquid est reliquarũ partium, quod aliquam varietatem asferre potest.

B ij Inscriptio.

INSCRIPTIO QVARTA.

Scheleta varia: seu ossa combinata: vt viri, fæ-  
minæ, simij, porcelli, auium, ranarum aliorumq;  
differentium. Item ad formam hominis partium  
facta quædam artificiosè, vt humani oculi, cum  
suis tunicis, vt aures, nares, manus, mutilatis homi-  
nibus statim seruire parata.

INSCRIPTIO QVINTA. ♀

Semina, fructus, legumina, grana, radicesq; se-  
mina supplentes: & quæ materialia huius generis  
dicuntur. quæ saltem asseruatu commoda, & spe-  
ctatu iucunda: ob naturæ varietatem, vel appella-  
tionum diuersitatem. Prærogatiuâ hic quandoq;  
habent peregrina, miraculosa, odorata.

INSCRIPTIO SEXTA.

Herbæ, flores, ramusculi, termites, cortices, lig-  
na, radices, etc. hæc quidem exiccata, vera & sele-  
cta. per classes disposita. Aut eiusmodi metallo fu-  
sa, aut serico texta, aut noua quadam arte depicta.  
Hic & lignorum genera omnia particulatim asser-  
uantur.

Inscriptio,



## INSCRIPTIO SEPTIMA.

Metalla & metallicæ fodinarum materiæ tūq̃  
veræ radices metallorum, & mineræ cadmiæq̃  
etc. Item eodem modo solidæ venæ purissimorum  
metallorum. Deniq̃ artificio ista omnia imitata:  
& metalla ignem gradatim experta, aliaq̃ plus,  
alia minus excocta segregataq̃.

## INSCRIPTIO OCTAVA. ♀

Gemæ, lapidesq̃ prætiosi, vt adamantes, sap-  
phiri, smaragdi, rubini, etc. Item gemmarum, fluo-  
res pellucidi, tam crudi, quàm politi, & similes ma-  
teriæ resplendentes. Atq̃ horum fortè quædam  
leuiter auro intexta, vt in armilia, in aures, fronta-  
lia, torques accommodentur.

## INSCRIPTIO NONA.

Lapides insigniores, post illos præciosos, vt in-  
signiora marmora, iaspides, alabastri. &c. itaq̃  
marmor Porphyrite, Donygium, Ophiticum. etc.  
hæc quidem non pellucida, sed valdè ornata. Sunt  
& medicinales hoc loco non pellucidi; vt hæmati-  
tes, ætites, magnes, theamedes. &c.

tia.

## INSCRIPTIO DECIMA.

Colores & pigmēta: vt colores fusorij, friabiles, minerales, aquei, oleagini, vitrei. &c. ad metalla, gummi, ceras, sulphura, ligna, ebur, telas, lanas inficiendas, pingendas, colorandasq̃. Vbi peculiares sunt capsulæ oleo temperaturum, aliæ aqua gummeata delibutorum.

## INSCRIPTIO VNDECIMA.

Terreæ materiæ & succi: tam spontanei, quam factitij, & excocti, aut alicubi adhærescentes: vt boli, cretæ, argillæ, glebæ, & aliæ coloratæ terræ. Item vitriola, alumina, sales, terreiq̃ lapides, & tophi. Deniq̃ materiæ stillantium thermarum, specuumq̃.

Inscriptio



QVARTA CLASSIS.

INSCRIPTIO PRIMA.



Instrumenta musica : vt tibiæ, fistulæ,  
organa, cornua, litui, tubæ. &c. Item  
fidiculæ, testudines, citharæ trigonales  
& testudinatæ, clauicordia, tympana,  
nabla, & multa alia genera, ad suos choros con-  
iunctim vel diuissim pertinentia.

INSCRIPTIO SECVND A.

Instrumenta mathematica : vt astrolabia, sphæ-  
ræ, cylindri, quadrantes, horologia, baculi geo-  
metrici & alia ad dimetiendum, terra marique, bel-  
lo & pace vsurpanda. Item corpora regularia mul-  
tiplicis formæ, pulchrè transparentibus tigillis  
combinata.

INSCRIPTIO TERTIA.

Instrumenta & supellex scriptoria, pictoriaq;  
vt membranæ, chartæ, tabellæ, pugillares, calami,  
styli, typi incusorij, colores scriptorij, circini, re-  
gulæ, rastra. et multa huius generis alia, in capsu-  
las suas distributa. Tum & commodissima pulpi-  
ta, scrinia, thecæ.

Inscriptio

INSCRIPTIO QVARTA.

Instrumenta violenta, vt ad pondera grauissima leuanda, ad infringēdas portas, cardines, seras &c. Item conducentia attractioni, vectioni, impressioni: Item ad aliquò commodè ascendendum nauigandum, natandum, volatum simulandum.

INSCRIPTIO QVINTA. ♀

Instrumenta officinarum, & tabernarum laboratoriarum, quæ ab artificiosioribus artificibus versantur. vt instrumenta sculptorum, tornatorū, aurifabrorum, fusorum, fabrorum lignariorum, aut omnium denique artificum, quos alit hic orbis seculo nostro.

INSCRIPTIO SEXTA.

Instrumenta chirurgica, & anatomica, & cōptoria, vt forfices, phlebotomi, terebella, ferræ, syringes, manicæ, nouaculæ, specula, pectines, perspicilla, auriscalpia: & omnia quæ suggerit locuplete numero chirurgia, quasque tractant alyptæ, cosinetæ, tonsores, balneatores.

Inscriptio



## INSCRIPTIO SEPTIMA.

Instrumenta venatoria: & quæcunq; ruri, ac in hortorum cultura necessaria sunt: vt quæ seruiunt etiam aucupijs, et piscationibus, saltem ingeniosa: vt fistulæ ad aues, titubæ ad ceruos, & ad pisces hami, tridentesq;. &c. Sed & multa alia ad plantandum, putandũ, sarriendum, terramq; colendã.

## INSCRIPTIO OCTAVA.

Instrumenta lusoria: tum et exercitiij ingeniosi, et iucundioris, et ad agilitatem corporis præcipue pertinentia. cuius generis scachorum ludus, discus, pila, pyramides, astraguli, trochi, telenon, globi, iacula, sphæræ. Et in admirationem pertrahens simplices gesticulatorum ascopera.

## INSCRIPTIO NONA. ♀

Tela gentium peregrinarum: et alia rarissima aut comodissima arma, vt acinaces, arcus, balistæ, iacula, pharetræ, coryti, fundæ. &c. et quicquid ita rarum vt non minus ad admirandum thesaurum, quàm ad instructum armamentarium videatur transferendum.

INSCRIPTIO DECIMA. ♀

Vestitus peregrini vt Indiani, Arabici, Turcici  
ñq̃ rariores : atq̃ aliqui ex plumis plittacorum, ex  
tela, vel textura qualibet mirifica, vel corio variè  
confuto. Item minuti vestitus exterarum gentium,  
instar puparum, ad distinguendos habitus virgi-  
num, viduarum, sponfarum. &c.

INSCRIPTIO VNDECIMA.


Vestes durabiles rariores : vt priscorum auo-  
rum cuiusq̃ theatri fundatoris. quo loco possint  
esse, paludamentum imperatoris, pallium ducale,  
& qualibet vestis sacerdotalis. &c. Item alia orna-  
menta, vt torques, pilei, balthei, marsupia, cristæ  
&c. gratæ alicuius memoriæ causa asseruata.

Quinta



QVINTA CLASSIS.

INSCRIPTIO PRIMA. ♀



Icturæ oleaginis coloribus expressæ :  
à præstantissimis quibuscq; pictoribus  
perpolitæ. vbi in ea arte obseruetur,  
quantum alter alterum in rebus ipsis,  
proportione, gestu, opticis, varietate, parergis, alijsq; rebus notatu dignis vicisse videatur.

INSCRIPTIO SECVNDA. ♀

Picturæ aqueis coloribus confectæ : celebrium  
vndiq; etiam pictorum, summo studio collatæ : vt  
dum per singulas regiones, singuli artifices inuita-  
ti, quasi honesto certamine singula opera, vel li-  
bros, qui potuerunt à se confici longè præstantissi-  
mi protulerunt.

INSCRIPTIO TERTIA. ♀

Imagines ex ære impressæ : et aliæ picturæ  
chartacæ in paginis magnis paruisq;, per thecas,  
& suas classes accuratè tanquam in peculiari bibli-  
otheca dispositæ. Apud hæc sunt etiã integra vo-  
lumina, et libelli imaginum quomodocunq; æditi  
compactiq;, suas thecas et ipsæ ibidem fortiti.

Clasſis  
quinta.

THEATRVM

## INSCRIPTIO QVARTA.

Partitionum tabulæ ſacræ et profanæ. Item  
hiſtorici cathalogi, & chronologiæ, maximis tabu-  
lis exhibitæ: tanquam mappæ quædam, non ra-  
rò etiam latè extenſæ. Ita ſunt etiam tabulæ ramo-  
ſæ, et aliæ ſingularum adeò diſciplinæ partitione-  
nem et principalia capita amplè ob oculos ponen-  
tia.

## INSCRIPTIO QVINTA. ♀

Genealogiæ vndequaq; ampliſſimæ: regum,  
ducum, comitum, & illuſtrium nobiliumq; fami-  
liarum: tam manu pictæ, quàm impreſſæ: inter  
quas etiam occurrūt illæ radices dependentes, quæ  
in probationibus auorum quatuor, octo, ſede-  
cim, et ſic duplicando in immenſum quandoq;  
adhibentur.

## INSCRIPTIO SEXTA.

Effigies illuſtrium, et clarorum virorum: maxi-  
mo numero conquiſitæ: vt n̄ ſaltem adſint impe-  
ratores, reges, principes, et alij viri excellentis vir-  
tutis, quibus memorandis fundator theatri delec-  
tabatur: quibuſſe præ reliquis vndiq; familiari-  
bus plurimum fauebat.

Inſcriptio.



## INSCRIPTIO SEPTIMA. ♀

Insignia nobilium familiarum : tūm et arma et spolia picta ad certas regiones, ac classes officiorū pertinentium: vt procerum imperij vniuersorum, munia imperij hæreditaria sustinentium, vt certorum ordinum aut partium ad aliquod regnū, ducatum, episcopatum tanquam insita membra rektorum.

## INSCRIPTIO OCTAVA.

Tapetes et aulea : eaq̃ exquisiti artificij et formæ non nimis latæ, sed tolerabilis : quæq̃ aliquando pictarum tabularum suppleant locum. Hic sint sericea, aurea, lanea et texturæ cuiusuis subtilioris. Demum et illa quæ in aurea tela coloribus inficiuntur, vel acu pinguntur.

## INSCRIPTIO NONA. ♀

Sententiæ et gnomæ : eaq̃ ad certa spacia theatri inscriptæ : potissimum verò sacræ, vel morales: vel ad classes supellectilis cuiuscunq̃ perueniunt cōgruentes. Harum aliæ parietibus, aliæ in appensis tabellis, aliæ aureis, aliæ coloratis literis depictæ.

INSCRIPTIO DECIMA. ♀

Repositoria vndiq; in promptu: ad singulas res  
in se recipiendum aut recludendū: vt armariola,  
arca, scrinia, thecæ, fiscellæ, cophini, calatisci, gra-  
data pulpita, alueoli, cistæ. et in parietibus obue-  
lati fortè risi. & per certa theatri spacia mensæ:  
itemq; arcus, turricula, pyramides ipsa armariola  
imitata.

FINIS INSCRIPTIONVM THEATRI  
VICCHEBERGICI. SEQUUNTUR  
MVSEA ET OFFICINAE.

MVSEA



# MVSEA ET OFFICI- NÆ, AC RECONDITORIA, QVA. lia ad sapientiæ et iucundi artificij supellectilem quandoq; peculiararia in regijs extruuntur, quandoq; uero coniunctim habentur.



**B**ibliotheca omnis generis librorum instructissima, in suas classes, (quæ fiunt per facultates, disciplinas ac linguas) distincta : hoc modo : ut peculiariter disponantur libri, Primo Theologici. II. Iuridici, III. Medici. IIII. Historici. V. Philosophici. sub quibus et Dialectici, Magiciq; &c. VI. Mathematici. sub quibus et Astrologici, Arithmetici, Geometrici. VII. Philologici: sub quibus scriptores locorum communium & omnis uarietatis, et aliarum rerum, quæ ad reliquas classes referri non possunt. ut scriptores de re Militari, de Architectura, de Agricultura, &c. VIII. Poetici sacri & prophani. IX. Musici. X. Grammatici. sub quibus et lexica, et commentatores super Philologos et Poetas : nam reliqui commentatores singuli ad suas referuntur classes. Linguar, sunt libri Hebraici, Græci, sub quibus et Græcolatini: Germanici, sub quibus et Belgici, postea sunt Italici, Gallici, Hispanici, &c. quotquot colligere placet : sortitur autem bibliotheca sua loca, præter pulpita commodissimè his nominibus uocata : ut Regionēs, qui sunt integri parietes : Stationēs, qui sunt singuli asseres : Coloniae & Appendices, quæ fortè accedunt Regionibus quasi quædam additamenta. Inde numerantur uolumina, et decimum quodq; certo colore insignitur, unde decuriæ colligantur & procul conspiciantur.

Typographica officina et supellex : in qua typi omnis generis ad quaslibet linguas, artes, disciplinas in promptu sunt excudendas. Vbi et adsunt notæ musicæ, mathematicæq;, et figuræ uariæ ad supradictas artes, uim & lignæ formæ ad plurima ornamenta librorum proferenda accommodatissima.

Torna-

## officinæ.

Tornatilis supellectilis, et instrumentorum tornatiliū, compactiorumq; officina: ut illa in numero artificiorum iucundiorum, apud plerosq; principes, et optimates habentur. & loca sua in splendidissimis regijs quandoq; sortiuntur. Hic autem in tornatili fiunt opera diuersa, ex ligno, metallo, ebore, alabaastro, cornibus, ossibus, et alijs fortè adhuc rebus, suam sponte naturam operatoribus suis edicentibus: ut præter ornatum & mundiciam quæ summa hic sunt, delectatio etiam non leuis percipiatur: idèq; etiam eis, quæ ad compingendos libros spectant, meritò consociantur.

Pharmacothea seu myrothecium: quo genere promptuarij instruendo mirificè regum et principum coniuges oblectantur, ex innato isti sexui ægris et pauperibus succurrendi studio: præterquam quòd ex pharmacorum confectiōe, et rerum plurimarum conditione, et aquarum oleorumq; destillatione, nunquam satis exaciari animus potest, dum nouam subinde experientiam ex dudum cognitis rebus uideat promanare.

Fusoria officina, cuforiaq;: cum foco ipso fabrili, alchimisticq; conueniens omni metallo fundendo, cuiuslibet materiæ colliquandæ, sublimandæ, præparandæ, exprimendæ &c. Et quidem hic quibusdam magis fortè uersari placebit in mundioribus: ut gypsatitijs formulis producendis, herbulis, uermibus, reptilibusq; argenteis, aureis, stanneisq; ex uiuis rebus fundendo.

Sola quandoq; etiam reperiuntur conclauia de singulis classibus, aut etiam inscriptionibus supradictis: ut ubi tantum imagines è cupreis formis expressæ asseruentur: ubi tantum effigies in tabellis appensæ conspiciuntur: ubi solum mappæ illæ geographicæ expansæ ostendantur: Sola deniq; conclauia habentur in quibus omnis generis artificiosa supellex, & instrumenta custodiuntur: Nec non etiam inuenias cænacula, ubi tantum animalia rariora depicta, deniq; admirandiroboris ceruina, aliq; cornua, et res eius generis aliæ affiguntur. Quiq; musicis forte mediocriter delectatur, peculiare conclauē, aut museum instrumentis musicis destinauerit. Sic etiam qui uitæ sanctimonix deditus ante omnia fuerit



fuerit, sacellum suum orationibus & sacris imaginibus habebit consecratum. Cum etiam uasis argenteis aureisque suas testudines uideamus ab ignium et furum iniuria separatas. Denique & cameras suas habent tapetia cortinæ et panni, diuerso usui seruiantes: Vbi iterum non absunt repositoria, solum earum uestium quæ ad ornanda spectacula, & laruatorum lusus magna quandoque copia seruantur. Ad extremum, nulla pene hic est inscriptio, quæ non etiam posset peculiare demereri museum, aut conclaue, sicui rem aliquam solam, indefesso studio excolere fuerit constitutum.

Hic etiam subiungenda armamentaria saltem illa, quæ principes & optimates aut maximi nobiles, in suis regijs, arcibus, palatijs, domibusque singulari industria extructa ornataque habent: quæ diuersa iam sunt, ab ijs quæ ad munitiones generales spectant, nam hæc domestica solum ad exercitia equestria, & quandoque ludicras pugnas, terra et aqua, arma atque ornamenta suppeditant: illa integros exercitus instruunt, mænia propugnant classes dirimunt, aggeres percurrere tentant. de his inquam non multa hic proferemus, partim quod illa peculiaris instituti sint, & possint sub inscriptione de telis concipi non incommode: partim quod armamentariorum et conditoriorum promachinis, nec non nauualium & naustibulorum adorationem exoptarim nouo & amplissimo encomio, in animos nobilium torneamenta non reprobantium, duce Frobeni, Christophero Cimperano comite infundi, omnemque nobilitatem Germanicam ad armorum exercitacionem contra tyrannicos incursus magis magisque excitari inuitarique.

D      ADMONI-

# ADMONITIO SEV CONSILIVM ATQVE ITEM

digressiones Sam. Quicchebergi  
de vniuerso theatro.



Voniam inter primas consilij partes hoc proponitur, ut colligantur istæ classes omnes, cum tota adornatione aliorum etiam museorum, et bibliothecæ, obiter iam particularia quædā subiiciam, quæ harum rerum cupidos, de conditionibus alijs quibusdam admonebunt. Colligent ergo hæc theatra uel promptuaria seu conclauia rerum uarietatis, quicq; pro suarum facultatum modo ut eis lubebit. nec enim ita classes proponuntur, quasi omnes omnia debeant comportare, sed ut quisq; de quibusdam, quæ uolet, aut de singulis, quæ potest, conquirat. Poterit enim quandoq; tenuis fortunæ aliquis, pro loci ubi uersabitur oportunitate, proq; suo proposito studio, uel diuersas species seminum, uel metallorum, uel animalculorum, uel antiquorum numismatum, aut etiam imaginum copiam, etiam sine grauib; sumptibus, sola diligentia inquirendi, & peruestigandi utilissimè accumulare: Diuitibus autē et alijs excitatissimis in hoc studio optimatibus, qui iam omnibus inhiant, necesse fuit hic omnia præscripta esse: ut in enumeratione generali saltem nihil desiderare possēt. Deinde ita hæc in medium adducuntur: non quod putem ullius hominis, quā tumuis locupletissimi et diligentissimi ætatem sufficere ad omnia colligendum, quæ sub his classibus subinde latius diduci possint: sed quod uoluerim, tanquam Cicero perfectum oratorem ita hæc uniuersa absolutissima enumeratione hominum cogitationibus infundi: quibus magnitudinem cognitionis rerum omnium metirentur, adq; res iterum alias animo concipiendas et peruestigandas excitarentur. Censeo enim etiam nullius hominis facundia edici posse, quanta prudentia, & usus administrandæ reipublicæ, tam



tam ciuilibis & militaris, quàm ecclesiasticæ & literatæ, ex inspecti-  
one et studio imaginum et rerum, quas præscribimus, comparari  
possit. Nulla enim sub cœlo est disciplina, nullum studium, aut  
exercitatio, quæ non sua etiam instrumenta ex hac præscripta su-  
pellectile rectissimè petat. Iam ergo diuino opus esset ingenio,  
quod hæc omnia sic undiq; componeret & ordinaret, ut succinctè  
& compendiosè conquisita cuiusuis non impoliti animum, in in-  
numeris instruere possent. de quo tamen aliàs consilium saltem  
nostrum itidem dare non recusabimus. Hic etiam non refert sint  
ne loca spaciofa uel angusta, ubi hæc conseruentur: possunt enim  
in angustis riscis, aut armariolis, & cistellis, conuoluta aut com-  
plicata multa recondi, quæ alioqui in maximis parietibus expan-  
sa & amplissimis mensis aut gradatis abaculis exposita uix locum  
haberent. Sed et hic meminisci oportet, præter illa armariola, ciste-  
tas, riscos in parietibus, mensas, gradata pulpita: ad huc multa ser-  
uire horum usui posse receptacula. præsertim (qui suo loco nomi-  
nabuntur) asserculi portatiles, cum fossis: item cistulæ portatiles  
cum quadratis alueolis: postea armariola cum ualuīs: itidemq; li-  
bri cum ualuīs excurrentibus: deniq; turriculata armariola arti-  
ficij differentis atq; immensi argumenti. Quorum sit mentio infra  
in digressione classis tertiæ, inscriptionis quintæ: & digressione  
classis quartæ, inscriptionis quintæ. et classis quintæ, inscriptionis  
nonæ. Optimates in his colligendis decebit habere homines inge-  
niosos quos ad diuersas regiones mittant, inquirendarum rerum  
miraculosarum gratia, & uicissim alij mediocris fortunæ, homi-  
nes huius generis thesaurorum studiosi, nouerint quæ cum ami-  
cis possint commutare, quibusq; rebus aliò transmissis alios ad di-  
uersa remittendum possint inuitare. Hoc quidem compendio  
quondam ususest Burgmarus pictor celeberrimus Augustæ, qui  
unus plurimos optimates ad eiusmodi studia potuit incitare. faci-  
untq; idem Norimbergæ aurifabri, et artifices alij præstantissima  
uarietatis conclauiā iam demonstrantes. estq; hoc fere ingenium  
hospitum et inspectorum, ut quando alicubi tam multa uidet as-  
seruari, ultrò præsentia offerant, et ad remotissimas terras pro-

fecti aliqua secum aduehant, quæ uelint contemplatum thesaurum (suo muneri fortè ascripto nomine) decorare.

Est etiam quod moneam inter has theatri inscriptiones, et museorū ac conclauū delineationes, res quandoq; admodū late patētes esse, quæ ex suo genere in longe amplissimas distributiones diduci deberent: sunt etiam multa de quibus artificium colligendi et tractanti edocere conueniret, quibus equidem nō paucis annis laboris satis impendi, impendamq; adhuc si fata aspirārint: ut in plerisq; non inanem nauasse operam uideri queam. sed hoc huius commentarioli breuitas minime concedit, utendum ergo interim ijs libris philologorum qui in prompto sunt, et non incommode officina Ioan. Rauisij Textoris, donec tandem omnium penè materiarum specialem enumerationem suppeditabunt Myriades suo loco nostræ, ubi publice extabunt, Equidem si incipiam à genealogijs principio fere harum inscriptionum positīs, monstrabo certam eas conficiendi formam, & limites quos sequi quibusq; insistere conueniat: in effigiebus delineandis obseruationes pictoribus non iniucundas à me annotatas producam: in alijs alia quædam à me distributa et obseruata, ad multorum utilitatem, in medium proferre tentabo. præsertim primo quoq; tempore quæ de insignibus familiarum armisq; nobilium confectatus sum, prius recognita, nemini nobili aut literato denegabo. Sed hæc quidem omnia pro nostri ingenij studijq; modulo, nec ultra: omnino uero quantum nos iuuisset potest, quòd post uaria musea, et bibliothecas inquisitas, inhabitatasq;, post multa emporia, et comitia frequenter uisitata. etiam aliquot iam annorum profuit consuetudo & aditus ad Illmi Principis Alberti Bauariæ ducis musea, et imaginum incredibilem copiam pridem Monachij, et ante quoq; Landishu-  
tæ conquisitam: quibus certè tam in omnibus studijs utor, quàm etiam sensibus intensis inuoluor. Nam cum eius generis materias multas, quæ in hoc nominantur theatro, ab eo plane tempore colligo, quo Ingelstadij studiorum gratia uersor, cogitoq; sequentibus annis plurimos reges, principes ac optimates in fundandis sapientix theatris, aut promptuarijs incitare, iamq; constituo muse-



um Cæsareum, cuius nuper Augustæ numismatum supellectilem inspexeram uisitare, accedit ut apud hunc principem Bauariæ ducem inueniam ea omnia, quæ dudum per certas classes commemoranda præparaueram, quæ etiamnum apud se Monachij regis planè sumptibus ædificijsq; ut erit alibi dicendum, latè explicantur locupletanturq;. Est equidem ab hoc Illmo principe Alberto præter maximum theatrum, his rerum classibus destinatū, recens etiam fundata Monachij bibliotheca, quæ libraria ducalis uocatur. Est et typographia noua constructa, ad maxima musica uolumina, cum Latina etiam grandi scriptura excudenda comparata. Est et insigne illud prælo cudendorum numismatum inuentum, suo loco conspicuum. Est et proprius locus musicis instrumentis communiter segregatus. Est amænissima officina tornatiliū instrumentorum, à principe V Vilhelmo, huius ducis parente, huic usui destinata, honorificè ab ipso Alberto rebus artificiosisissimis adaucta. quæ omnia hic quoq; aliàs separatim, aliàs coniunctim animo concipi possunt. Inter quas uarias foundationes sua quoq; laus est ducissæ Annæ principis Alberti coniugi charissimæ D. Ferdinandi Imperatoris filix, quæ myrothecam et destillatoriam officinam eleemosynis et confortationibus, ut uocant, ex ea regaliter elargendis, tanto ornatu construxit, ut inter splendidissimas nouæ arcis structuras uenerint numeranda: ea quidem in hoc imitata Illmi Principis Alberti matrem Iacobam Marchionissam Badensem, quæ suam quandam pharmacorū thecam pridem domicilio suo, in qua uiduitatis annos, adiuncta sibi uidua Christophori baronis à Schuartzenberg Scholastica Nothafrin transigeret, deuouisset. In qua etiam ducissa matre, id quoq; commendandum est, inter theatri nostri obseruationes, eam peculiare quoddam conclaue excoluisse, effigiebus sibi cognatarum matronarum, et aliorum principum uirorum proxima sibi affinitate iunctorum: et aliquando uirginum quoq; laudatarum: unde et memorabilis illa consuetudo profluxit, ut omnes gynecei Bauarici uirgines, quæ quidem elocantur, aut recedunt simul depictæ conferuentur. Iterumq; hinc ad cognitionis promptuarium

attinet, quòd Domina Anna ducissa, à naturalium rerum indagatoribus, etiam antequam ego id uidissem, celebrabatur, dum in maximo auarario, plurimas auium species, ad rerum cognitionem eius studiosis acquirendam, diuina alit liberalitate. Nec quidem hæc obiter referens, ab ullo instituto theatri nostri digredior. Hoc enim si liceret, haberem longè alia largissimè commemoranda, sciremque ego facile in quibus adeò uitæ sanctimoniam isthæc, uirtutesque diuinas plurimas commendare deberem: sed iam quæ ad has inscriptiones attinebant, quæque hic continenter spectauimus, & planè diuinè instructa animaduerti, obiter solum ad excitandos alios quoque principes in medium adducenda putauimus, donec ad uniuersos theatri titulos exornandos, et in alijs etiam regnis huiusmodi museorum patronos peruestigandos, uberiores adhuc peregrinationibus, quas paro, me amplius dedam, deuoueamque. Quocumque autem perueniamus, hoc sane de Illmo principe Alberto Bauariæ duce edicendum nobis, neminè unquam animo aut spe maiora, in exornanda patria Germania, artificijs & doctrinis omnibus euehendis, & (quod ad altiora atinet) Sacrum imperium consilijs iuuando, suscepturum, qui sibi non illius industriam, sedulitatem, prudentiam atque autoritatè proponendam putabit. Ego equidem ex omnibus rebus, quas mihi hic aut diuina bonitas, aut natura tribuit, nihil habeo, quod cum eiusdem principis beueuolentia et consuetudine, in quam me ab hinc annis sex hospitem asciuerat, possit ullo modo comparari.

## DIGRESSIONES ET DECLARATIONES

SECUNDVM ORDINEM inscriptionum.

Inscriptionis uocabulo sic in theatro nostro utimur, ac si quis fortè rex, aut princeps, aut alius quispiam patronus ita res singulas collectas, ad certa loca inscripsisset, aut sic adhuc inscribere deleberasset. Quod enim hic consilium, in his rebus fundandis & ordinandis, dare potui, per inscriptiones potissimum quas unius promodum formæ esse uolui, iam præmisi: reliquæ hæc supplebunt digressiones. Theatri etiam nomen hic assumitur non improprie, sed uerè



sed uerè pro structura grandi, uel arcuata, uel ouali, uel ad formā ambulacri, cuius generis in basilicis, aut cœnobijs circuitus ab, ip-  
sis, incolis uocantur, ad quatuor latera altis contignationibus ex-  
structum, in quorum medio hortus, aut cauedia sit relictà (ita enim  
Bauaricum theatrum artificiosarum rerum spectatur) ut quatuor  
maximæ aulæ, ad quatuor cœli regiones, latissimè pateant. unde  
et accommodari aliquo modo amphiteatri nomen ipsi posset. Mo-  
nere hic oportet Iulij Camilli museum semicirculo suo, rectè quo-  
q; theatrum dici potuisse: alij uero hoc nomine usi sunt metapho-  
ricè, ut Christophorus Mylæus, Conradus Lycosthenes, Theodo-  
rus Zuïngger, Guilelmus de la Perriere, et fortè etiā alij, quando  
sic conditiones uitæ humanæ et scribendæ historiæ doctrinam, et  
cæteras res tractādi ac memorādi, nō autē spectādi & dīficij, et rei,  
quæ in eo agatur, aut proponatur amplitudinem, libros quosdam  
pulchrè tamen, inscripserunt.

### In prima Classe.

#### Tabulæ sacrarū historiarum. &c. Inscriptione. I.

Præmitto hic sacras tabulas easq; selectissimas: siue alicui sit una  
præcipua, siue duæ, uel plures: ut à diuinis potissimum initium  
theatri uel promptuarij sumatur. Subiungimus autem fundato-  
ris statim genealogiam, et effigiem, & alia, quibus hic aliqua de-  
betur prærogatiua. alioqui post classe quinta sequuntur quorum-  
libet illustrium et clarorum genealogiæ et effigies indifferenter  
collectæ. Pulchrum autē erit in genealogijs, et effigiibus, alijsq;  
fortè rebus (ubicunq; demum reponantur) ut principes et optima-  
tes, alij alij suas egregiè depictas, in eiusmodi mittant imaginum  
promptuaria conseruanda. Porro quòd ad totum ordinem atti-  
net spero eum satis plausibilem iudicatum iri: nec enim hic philo-  
sophis res naturales omnes ad amussim, cum ipsa natura partimur  
sed principibus, in quosdam non difficiles ordines, res plera-  
q; asseruatu iucundas segregamus. Nec enim iam etiam licuit  
secundum VII. Planetas singula distribuere, ut facere potu-  
issent Vitruuium & Camillum imitando, cum ordo facilior  
secundum

secundum formas rerum debuerit exhiberi: eiusmodi autem aliquid in libro de insignibus apud colores sum prolaturus. aut citius fortè, si oportunū uidebitur in libro de facilibus methodis, qui ferè solum ad typographos Europæ instituentur: nouerint enim inde illi quoq; methodicos indices librorum, cuiuscunq; offerantur argumenti eosq; planissimos et utilissimos contexere.

**Genealogia fundatoris theatri. Inscr. II.** Iam præcedente digressione de hac genealogia, & de contiguo titulo effigierum, quare præponantur, diximus abunde: sed et alio loco plura de iisdem admonemus: ut classe quinta: inscriptione quinta. Hoc fuit significandū ne si fortè Mercurij ductu, ante tibi occurrente, de his quæres et tamen à uia abarrares.

### Geographicæ tabulæ, quæ et mappæ. Inscr. III

Hic etiam titulus geographicarum tabularum bis proditur in nostro theatro: sed secundo tantum sub imaginum promptuario: ubi non adduntur mappæ grandes sed solum singulæ paginæ, ex æreis laminis excusæ. Atq; hic rectissimè nobis offertur occasio explicandi differentiam inter THEATRVM, quod infinitum et immensum illud institutum nostrum est, materias, supellectilem, imagines, libros & cætera colligendi: et inter PROMTVARIVM IMAGINVM, quæ est quasi quædam theatri pars, uel museum, uel aliquot arcæ, aut thecæ: quæ continent solum ea folia, quæ incredibili numero ex æreis laminis cusa, ad unum cumulum comportantur, et explicatim iacentia fortè in thecis asseruantur: ubi tamè licet esse quædam etiam ex ligneis formis impressa, aut manu picta: modo non sint communibus uel regalibus maiora. Quando enim folia locuplete numero in mappas sunt combinata, aut fortè latè conuoluta, uel in tigillis expansa, tum sub totū theatrum ueniunt inscribenda: non sub titulis promptuarii imaginum. Itaq; scietur facile totum promptuarium imaginum ex una solum magni theatri inscriptione pendere cum reliquis inseritur hoc modo: IMAGINES EX AERE IMPRESSAE. tamen  
meminisci



meminisci etiam oportet (si eius sit amplitudo consideranda) non minus in toto theatro præstare, quàm si singularis aliqua bibliotheca seruiat eidem.

### Animalium grandes picturæ &c. Inscrip. VIII.

Fortè mirentur aliqui, quare has non transferam ad classem tertiam, ubi exiccata animalia asseruata dicuntur, sciant ergo illi, ibi tantum esse materialia, et ea quæ in cistellis ferè sunt asseruanda: hic uero picturas esse in parietibus longè lateq; extendendas: ut apud alias magnas imagines, locum suum habere debeant. Cæterum in regijs principum Germanorum, arcibusq; magnatum, multa eiusmodi in ipsorum cœnaculis, aulisq; depicta conspiciuntur.

### In secunda Classe.

#### Fabrilia artificiosa. &c. Inscri. II. Item. Artificum

opera. &c. Inscr. III. Monere hic uolui posse quasdam quasi perforatas turrículas, aut perspicuos arcus uel portulas, gradatosq; abaculos, diuersi artificij inueniri, ut omnis generis artifices, ex singulis quas tractant materijs, sese in eiusmodi differentibus inueniendis exerceant, quæ in theatrum, ad certas mensas, aut fenestras, circum circa disponantur: in hoc ergo consilium erat meum, ut quemadmodum de picturis casse. V. inscriptione prima et secunda moneo, ab omnibus excellentibus pictoribus in theatrum inferendis: sic etiam à singulis fabris lignarijs eiusmodi turriculata scrinia, aliquo ingeniosissimo opere ornata inferri deberent: imo ut singulis ligneis alia quædam differentis materiæ interponerentur, ut facta à fabris ferrarijs, à fabris orichalci, argenti, stanni, &c. Item à tornatoribus, à sculptoribus, à lapicidis, ab acupictoribus, uitriarijs, laminarijs, et cæteris quibuscunq;. Quibus ita ad mensas dispositis, sufficerent instar armariolorum, in quorum portas, ac fenestras, ut ita uocem, liceret libros, uel cistellas minores, uel uascula uel statuas minutas collocare ac dispensare.

Vasa peregrina. &c. Inscr. V. Ibi dico de antiquis etiam uasis de quibus admirandum est, quanta eius generis ad huc

integra, etsi minuta, contigerit hominibus diligentibus comportare. ex terra non nimium maximis lapidibus pressa, apud antiquas ruinas & hypogeis inuenta. Addo autem ibidem etiam **FORMA DIFFERENTIA**. ut obiter quibusdam suggeram, noua posse figulina exiguo precio confici, quibus nomina sua uera, & antiqui-  
tus incredibili differentia usitata, liceret adinuenire, unde laudem quoque non tenuem in Latinæ linguæ commoditatem, accideret aucupari.

**Mensuræ, pondera &c. Inscr. VI.** Quantum hæc cōtulisse in unam capsam, afferre possit intelligentiæ, perspicuitatis ornamēti, quando noua cum ueteribus, & nostra cum peregrinis sunt conferenda, cuilibet bono, & alacris ingenij uiro reliquo cogitandum. Imo scio multos, eosque priuatos homines, nedum aulicos & satrapas in his colligendis, quæ in toto sunt titulo, quæ non magno constent, operā nauaturos fuisse: modo ab ullo mortalium aliquando fuissent commonefacti. Ita est etiam de alijs titulis quos repetere non puto operæ precium.

**Numismata vetera et noua. Inscrip. VII.** Ecce hic titulus, quod saltem ad antiqua attinet, sub quo tot magnos homines noster Hubertus Goltzius, quem maximè imitari studeo, commēdauit. Sed ego simul de numismatis nouis, nouā propono, iter reliqua studia, gloriā ab ornatissimis et nobilissimis quibusque cōsectandam. scilicet in numismatis per Europam à regibus, principibus, episcopis, comitibus, baronibus, ciuitatibus cussis: ubi familiæ quàm plurimæ, et singularū insignia honorarentur, et successio legitima constaret: precium quoque accuratius inquisitum, rem orbi Europeo ( quantum in hac parte deesset ) pacatissimam, et consociatissimam redderet. Qui uolet non in omnibus laborare, saltem suæ reipublicæ, aut ducatus aut episcopatus exornet.

In tertia Classe.

**Animalia miraculosa. Inscrip. I.** Vniuersa hæc  
classis;



classis, ab animalibus statim incipiendo, planè est rerum naturalium, et materiârum uniuersitatis. In his solum rebus colligendis scimus maxima ingenia esse occupatissima: tum in Germania, tum in alijs locis, et non nulla felicissima in Saxonia. Utinam uero aliquos liberalius iuuarent n̄ qui eiusmodi uarietatibus abundant. Quis enim non uoluisset Conradum Gesnerum in animalibus colligendis, Leonhardum Fuchsiû in stirpibus depingendis, Georgium Agricolam in Metallis describendis, & alios in alijs, ubi quid alicui occurrebat iuuare? quis non itidem princeps, Maximilianum. II. dum imperatorem, aut Albertum Bauariæ ducem eiusmodi ad uniuersi orbis exornandam elegantiam et disciplinas omnes illustrandas conquirentes, nō summo studio cupiat rebus apud se passim obuijs locupletare? possunt in hoc (ut dixi) priuati homines sese alterutrū iuuare, quanto magis reges principesq? Sumamq; ad huc aliud exemplū præter nostros Germanos. Vlyssis Aldrobandi Itali, cuius in his omnibus incredibili numero asseruandis, labor semper comendandas comendatusq; mihi fuit ite ferè adolescenti: donec in uirili ætate, ipse eum museumq; suum Bononiæ uisitare: tum certè omnia longè maiora, quam ante audiueram meis oculis spectauit: uiditq; eum in naturalibus prorsus nihil omisisse, quin uel per particulas quædam, aut exicca aliqua tota animalia, uel saltem ad uiuum depicta (ut in piscibus facere consueuit) conseruaret. Sed commendent quæso alijs quantum ex asseruatis alicubi multis rebus, iucunditatis accedere colloquijs principum, quantum lucis harum rerum inquisitorum commentarijs obtingere possit. nam multi, qui in eiusmodi studijs uersantur, non habent copiam ista colligendi: multi etiam studiorum gratia peregrinantes, non possunt ualdè multa, si modo habent, secum circumferre. Utinam ergo sint plures, qui si mul plurima colligere non grauarentur. Ego equidem quàm primum antiquis numismatis aliquid tribuere cœpi, etiam à monetis nouis non abstinui, sed nec à materijs metallorum & lapidibus preciosis, mox et ab ingeniosis sculpturis, et artificiosis

nes.

picturis, et præcipue ab animalium particulis, et seminibus, herbisq̃, medicorum adiutus cōsuetudine, colligendis nolui: ulla ipso-  
rum multitudine absterreri: quin quæ possem omnia colligerem  
ut plurimis studiosis non in paucis gratificarer, omnesq̃ præfer-  
tim philologos, in iisdem cōquirendis incitarem. Atq̃ hæc, ut ue-  
rum fatear, eò ardentius quòd indignum putarem, me in hoc uin-  
ci ab aurifabris, pictoribus, sculptoribus, et alijs ferè illiteratis: et  
quidem primis annis Augustæ Cypriani Schalleri probatoris  
auri, et Iohan. Schuembergeri aurifabri apparatibus in longè plu-  
ribus, quàm ante colebam incitabar alliciebarq̃.

**Semina, fructus, legumina. Inscr. V.** Quæ singu-  
la faciunt capsularum ordines distinctos. Capsulis autem uti con-  
sueuimus qualibus utuntur gemmarum, ubi pro singulis gemmis,  
in solido ligno, singulas foueas habent quibus inserantur: ita ta-  
men ut singuli asseres foueas habeant plures, et cuneatim aliquot  
eiusmodi asseres alijs alijs superinducantur nos Germani totas cap-  
sulas portant, ledlein uocamus: in his si sint capaciora foramina  
satis multæ materiæ imponi possunt: præsertim semina, legumi-  
na, frumenta, lapidumq̃ fragmenta minuta. &c. Nam ad fructus,  
qui etiam in uniuersa rerum natura, peregrini non pauci acquiri  
possunt, etiam ex tabernis pharmacopœorum, maioribus capsulis  
et asserculis, subinde quatuor combinatis unde quadrati alueoli  
fiunt, haberi poterint.

**Gemmæ, lapidesque. Inscr. VIII.** Si quis hic igno-  
ret, quàm sit hoc studiū refertū omni iucunditate, quàmq̃ sit stu-  
dium locuples nominum uarietate, adhibeat sanè harū rerū scrip-  
tores, Marbodeum Gallum, Pictorem Villinganum, Conradum  
Gesnerum & alios, obseruetq̃ quanta illi, et qualia etiam quisq̃  
sibi ex Plinio, et alijs antiquis autoribus elicere nomina possit.

In quarta Classe.

**Instrumenta officinarum: Inscr. V.** Equidem hoc  
seculo in his colligendis, artifices Germani non pauci eò deueni-  
runt,



runt, ut uno portatili scrinio (quod ferme unus homo ferre possit) includere ausi sint omnia fabrilia instrumenta quibus horologarius, faber ferrarius, lignariusq; , quibus aurifaber, cœlator, sculptor, tornatorq; , quibus bractearius, laminarius, bombardarius et alij adhuc artifices non pauci utantur. Nec quidem ita ut singuli aliqua, sed omnes omnia necessaria ibi reperiunt: modo capulis, ac manubrijs paucis ad plurima instrumenta, arte ibi consueti uti & diuersè adaptare nouerint. Ita decuriæ integræ spectantur limarum, rotundarum, magnitudine differentium, decuriæ limarum planarum, decuriæq; mediatarum. Item decuriæ integræ terebellorum, cæstrorum, malleorum, et omnium aliorum instrumentorū necessariorum. In quo genere animaduerti, quam iucundum sit artifices singulos uisitare, eorum opera miranda contemplari, et quandoq; nomina, Germanica cum Latinis conferenda, et accommodanda peruestigare. Plurima autem eiusmodi scrinia omnis generis instrumentis infarcta sic instrui solere, testimonio sit, quod non pauca quotannis ex nostris hisce terris in Hispanias usq; sic transfuehantur. quemadmodum ab Antonio Maiting mirifico studio principibus comitibusq; Hispanis scio procuratum. Monstrauī autem etiā in his instrumentis, per scrinia cistasq; disponendis, quomodo ex aliquo tali scrinio, aut cista ad miniculo ualuarum excurrentium, aut aliarum tabularum plicabilium, omnia instrumenta, pulchrè disposita, in momento ad aliquem parietem, aut super mensam usui adaptari possint, quomodoq; iterum in eam æque repente & commodè, ut alterutrum minime fricent hebetentūe, reponi queant. Id autem non aliud est, quam ut habeantur ualuæ, uel thecæ eiusmodi, qualibus in phlebotomis Germanorum secum gestandis chirurgi utuntur. dum quidem theculas libellorum instar habent serico uilloso suffultas, et uncinatis rigillis distinctas, per quæ singula instrumenta ab alteris modicè seiuncta hæreant, fixaq; consistent.

Tela gentium peregrinarum. Inscr. VIII. Arma refero hic quoq; diuersissimi et commodissimi usus: ad peregrinacum nostris et uetera cum nouis examinandum. Hic erunt etiam

nes.

ill, aquæ ex antiquis monomachijs, et pugnis auorum nostrorum memoria asseruantur, ut quidem nihil eiusmodi, etsi dudum obsoletum, à nobilitate etiam nostri temporis debet ignorari: imo ad omnia tractanda, quàm promptissima et exercitatissima debet inueniri. ut nihil tam antiquum, tam nouum inter aulicos, ubi simul multi habitant, proferri possit, ut nō assint, qui ex quolibet genere aliquid saltem pertractarint, usurparintq;. equidem in his ipsis nihil fuerit tam rarum, tamq; peregrinum, quod nouisse nō suam quoque afferet utilitatem. Iaculandi autē ars nunquam debet præteriri: in qua ex promptuario nostro inuenies, neq; id omnino nouum: et ex balistis globos, et è contrario ex bombardulis sagittas, in suum quendam usum, iaculari quosdam adinuenisse et introduxisse.

**Vestitus peregrini. Inscr. X.** Ibi admoneo etiam minutarum formularum, instar puparum: quales solent inter se reginæ ac principes, ad peregrinas uestes exterarum nationum pulchre examinandas, aliæ alijs transmittere, cum quibus quandoq; ipsi gentium mores occurrunt obseruandi: dum in his pupis exprimitur: quis habitus domi, forisq;: quis hyeme, & æstate: : quis in templis, & conuiuijs: quis nuptiali, aut lugubri tempore: præsertim à nobilissimis adhibeatur. Accidit et uestitū domesticum, apud principum filias, sibi usitatum in memoriam quandam diuturnam minutis formulis asseruari: cuius generis quidem, cum exili et plurima argentea supellectile, habebantur apud Domine Annæ ducissæ Bauariæ et Alberti sui charissimi coniugis filias, Mariam, & Mariam, Maximilianam, aliquot centuriæ, et maiore adhuc numero, apud neptes ducissæ matris, ex Mechilde filia marchionissa Badense, Iacoben et Salomen, quæ domesticorum officiorum et actionum tanto ordine distinguuntur, ut quisq; singula inspicieus, omnia reginæ cuiusdam conclauia, et pompas aulicosq; mores ad unguem tenere uideatur. Sed & peregrinarum telarum particulis asseruandis licebit aliquos inter hæc delectari.



## In Quinta Classe.

Picturæ oleaginis coloribus. Item Picturæ aqueis coloribus. Inscr. I. et. II. Non debet hic præteriri, quin edoceantur optimi patroni, quantopere suum in honorandis illustribus picturis amorem declarauerit V Vilhelmus Bauariæ dux pater ducis Alberti prudentissimus, et pacis amantissimus princeps. nam in hortu suum Monachiensem maiorem, præstantissimorum in Germania pictorum, singula opera mirifice eorum ingenijs excitis, dum singulis certarum tabellarum magnitudinem transmittit, contentione quadam honesta pingi curauit, quas adhuc quidem summa cum ueneratione homines peregrini, Monachium summo cum desiderio, ob urbis amoenitatem perlacti, contemplantur admiranturq;. Atq; ita amor ille rerum præstantissimarum artificiosarumq; propagatus est etiam in eius filios, atq; nepotes: hos autem nepotes ne hoc loco præteream, duces inquam V Vilhelmum, Ferdinandum, et Ernestum, ut omnibus rebus alijs, quæ principes regiæ uirtutis obseruantissimos, ingenio excitatissimos sequi decet. ita et literarum et doctissimarum picturarum promotores benignos, summopere debeo hac ætate admirari atq; laudare: cuius rei certissimum exemplum extitit, quod ipse dux V Vilhelmus uirtutum præstantia, et corporis, iam statura heros eximius, sua manu, stylo celerrimo, etiam ferè ante adhibitum magistrum, ornatè pugnæ exemplaq; historica præstantissima pingeret, et in cupreis laminis exararet. Quem quia strenue in omni exercitatione liberalissima et celsissimi animi conatibus imitantur eiusdem fratres, maxime Ferdinandus geographicis, Ernestus sacris diligentius in uigilando, dignum est, ut omnes imperij principes ipsi Alberto tanto parenti, tantos filios summe gratulentur.

Imagines ex ære impressæ. Inscr. III. Ignorabunt fortè aliqui studiosi, harum peculiarem solere instrui bibliothecam quam promptuarium imaginum uocari receptum est, id ergo iam ex subsequentijs titulis sunt deprehensuri. Quamuis ut  
facere

nes.

facere solent perspicacissimi, & prudentissimi quique, non in libros illa compingunt, quæ in suo genere magnis paginis sola imprimuntur, sed perpetuo locupletando, in latissimis thecis expansa, sub certis suis titulis conseruant, ut intra solutas membranas suis inscriptionibus distinctas, non aliter ac singulos libros continent. ac tantum & quibus non est animus sua amplius locupletare, semel certis classibus annumerata, et cōpacta in libris, inter hæc reponunt. Subinde ergo huius instituti fasciculi et materiæ à diligentioribus patronis adeò augentur, ut quam plurimarum disciplinarum ex his solum imaginibus cognitio acquiri posse uideatur, plus enim quandoque præstat memoriæ inspectio solum alicuius picturæ quam diuturna lectio multarum paginarum. Multum ergo paulatim per has literis commodabitur, si modo sic pergant Belgici atque alij pictores atque sculptores orbem nostrum suis operibus locupletare. Vt autem hîc ad omnium eorum qui hæc colunt, utilitatem liberius digrediamur. picturas omnes hæctenus in regiones & titulos suos sic distribuimus. In prima regione sūt: Primo Biblicæ historiæ. II. Noui testamenti historiæ. III. Apostoli & Euangelistæ. IIII. Sancti et sanctæ. V. Theologicæ inuentiones. VI. Christianorum historiæ. VII. Miracula. VIII. Expeditiones. IX. Effigies. X. Genealogiæ. In Secunda regione sunt: Primo naturalia. I. animalia, stirpes, anatomica &c. II. Philosophicæ inuentiones. III. Disciplinarum & mathematicæ, artificiorumque chartæ. IIII. Musicæ chartæ. V. Historiæ antiquæ profanæ. VI. Poëtica et amores deorum. VII. Ludicra et impudica. VIII. Spectacula et triumphus antiqua pleraque. IX. Ritus noui: uenationes, gestus, festa, exercitia gladiatorum, et artificum diuersorum. X. Vestitus & habitus picti. XI. Insignia familiarum. In tertia regione sunt: Primo Geographicæ chartæ. II. Prospectus regionum. III. Vrbes pictæ. IIII. AEdificia et architectura. V. Antiqua monumenta. VI. Numismata antiqua et noua. VII. Machinæ et naues. VIII. Fabrilia IX. Supellex uaria X. Vascula. atque hæc omnia picta. XI. Ornamentorum formulæ. diuersissime etiam pictæ. Hæctenus tituli principales: sed multi



multi in species, atq; adeo nobis in thecas plures subducuntur nam biblicorum facio satis grandes sectiones tres, aut quatuor: diuidendo in biblica priora, biblica media, biblica postrema, et biblica in libris singulis separatim editis. Sic diuido noui testamenti iamgines in Natiuitatis picturas, et ei proximas: in euangelia: in passionem, et passionem secuta: demum in acta Apostolorum, et apocalypsim postmodum sunt apud Apostolos et Euangelistas formulæ etiam Saluatoris, Trinitatis & Mariæ apothecis. Item sic diuido Geographicas chartas, nec quidem impedire quenquam debet, quod sint segregatæ hic grâdes mappæ, quæ in tigillis expansæ parietibus fortè appenduntur, aut aliâs maximæ uolutæ apparent cum illæ in peculiari inscriptione theatri maneant, diuido inquam has in Vniuersales, in Marinas, in Europeas, in Germanicarum regionum chartas, in regnorum tabellas, ut Italiæ, Galliæ, Hispaniæ, Angliæ, &c. Vbi sub suis undiq; regnis etiam adiunctæ insulæ intelliguntur. Ornamenta quoq; diuido in thecas plures: ut in ornamenta dicta Frondosa: ut in ornamenta dicta Compartimenta: ornamenta dicta Grotesca, ornamenta dicta Belluata. Item alia tropheata, fruticosa, mixta. &c. quomodo saltem diuisi inter imagines Illmi principis Alberti Bauariæ ducis, qui horum omnium maximam copiam pridem adhibito Mathia Schalling conquisiuit. Ita de urbibus pictis facile est ei, qui colligit quæ usquam prodeunt omnia, animaduertere, quod thecas faciant plures: quas ad rationem Geographicarum chartarum pulhrè nouerit separare.

Genealogiæ vndequaq; amplissimæ. Inscr. V.  
Si quis hic fortè ambigat, quare iterum genealogiæ ponantur, cum iam ante classe prima occurrerint aliquæ: & aliæ iterum nominentur in toto imaginum promptuario, sub inscriptione tertiæ classis primæ: ubi sunt: IMAGINES EX AERE IMPRESSAE. Sciatur de priore inscriptione rationem reddi in digressionem omnium prima. sub titulo TABVLAE SACRARVM &c. De eo uero quod inter titulos promptuarij imaginum ex æreis  
F laminis

laminis cusarum, etiam genealogiæ ponuntur: sciendum est: ea so-  
lum ibi locum habere, quæ inter solida folia explicatim iacentia  
dispensantur. reliqua enim quæ combinantur. uel in tigillis expā-  
duntur uel in longis uolutis reconduntur, referri rectissime ad totū  
theatrum. Similis est ratio Geographicarum mapparum. apud  
quas etiam hoc ferè modo, sed latius sum digressus: quod etiam à  
me petitū fuit, superioribus annis cum in alijs locis tum Venetijs  
ubi uiri docti manuscriptum exemplar theatri nostri cōspexerunt.

**Insignia nobilium familiarum. Inscr. VII.** De his  
admonebo alio loco, quomodo per singulos imperij circulos, et  
ducatus, archiepiscopatus, &c. familiarum insignia colligi debe-  
ant: cuius rei interim exemplum sit præter ea, quæ ad latera in ge-  
ographicis mappis aut calendarijs quandoq; apponuntur, perue-  
niste in Belgio ædita aquila imperij membrorum insignia conti-  
nens. . ex æreis formis impressa, Item Hannoniæ procerum et no-  
bilitatis uniuersæ insignia in latissima charta ex ære impressa:  
VViritzburgensium nobilium seu Francoiæ Orientalis charta  
minus lata. Maiori iterum forma extant nobiles quondam tabulæ  
rotundæ apud Angliæ regem, cum insignibus annotati, quam so-  
lum à Petro Obernburger Alberti principis consiliario antiquissi-  
mam nancisci potui. Laudabilis in hoc studio irrepsit consuetudo  
insignia amicorum cum inscriptis symbolis in certis quibusdam li-  
bellis colligere: & quidem meas chiliades insignium ex eiusmodi  
libris sæpe adauxi, ut hic nuper quoq; egregie ex libello Hein-  
rici à Taufkircha in Hoherain nobilissimi uiri, cum ex Gallia in  
patriam Bauariam redisset. in quo utinam reliquam nobilitatem,  
quæ quandoq; torpet otio, satis foeliciter incitare possem.

**Sententiæ et Gnomæ. Inscrip. IX.** In his passim in-  
scribendis uelim Germanos heroes paulo esse liberaliores. cum in  
eis maiestas aliqua esse possit, præter alia commoda multa. Si qui  
ergo non nouerint Romanarum antiquitatum diuersi usus inscrip-  
tiones



ptiones imitari, quæ singulæ offerunt certè in suo genere aliquid accuratum, sequantur sanè philosophos, & scriptores diuinos plurimos, qui non obscure in uitæ disciplina innumera ad hoc suggerere: aut imitentur eos, qui in monasterijs undiq; ad postes sententias inscribere consueuerunt. item præceptores Bohemos, qui natura structuræ suæ moniti scholarum & conclauium undiq; maceris trabesq; tigillis leuigant, inq; earum patulis iamq; solidatis commissuris undiq; sententias maxima elegantia inscribunt. Theatra uero aut promptuaria, quæ ego principibus prodo, in suis parietibus poterint ad tabulas omnis generis extendendas habere circū circa iustæ magnitudinis ualuas, quæ hic ut solet in altaribus pleriq; fieri, aperiat: ut his terū faciem nouam ostendant. Interius ergo fuerit aliqua rerum classis: ut effigies, & picturæ oleaginis coloribus: in medio fortè genealogiæ spectaculaq; aliqua: demū exterius fortè mappæ, urbes, animalia &c. aut aliæ simplices picturæ expeditionum ac prospectuum in telis aqueis coloribus depictæ: Vt quotiescunq; inspector aliquis, picturas externas circūeundo perlustrarit, reuersus ad principium, faciem inueniat nouā: famulo aliquo interim parietum ualuas obuertente. atq; ita de reliquis. Nisi & cortinas aut uelamina lubeat circumducere, quæ & ipse non nisi aliquid theatro conueniens, aut eruditum debebunt continere: nam an & scripturæ aliquæ cortinis inscribi debeant iā non differo. Delectabitur autem etiam hic fortè aliquis scripturæ uarietate: ut in his inueniēdis Germani non sunt inconditi, eas admiserim quidem diuersissimos proferri, ita tamē, ut totidem scripturæ Romanis literis factæ, reliquis quomodocunq; uariantibus, tanquam per uices, interponerentur, ut Latinis præcipuus honos relinqueretur.

### Repositoria vndiq; in promptu. Inscrip. X.

Hic sūt ōnia, quæ quòquo modo seruire debent rebus & materijs, & imaginibus prædictis. Primo itaq; sūt maiora cōditoria, quæ

mox in se recipiunt minora, ac quæuis scrinia portatilia, par-  
uasq; fiscellas, quales ferè sub ipsa inscriptione nominantur ac plu-  
ra forma solum differentia possent excogitari. Suntq; inter mino-  
ra præcipuè considerandæ capsulæ geminariæ, quæ sub inscrip-  
tione quinta classis tertiæ dicuntur ubi SEMINA, FRUCTVS  
LEGVMINA inter digressiones explicantur. sunt et ibi nomi-  
nati alueoli, qui ferè apiarios alueolos imitati uidentur: quorum  
itidem quam plurimi diuersæ capacitatis sunt coniunctim in  
promptu habendi. Deinde sunt in præsentī inscriptione nomina-  
ta armariola, ad formam arcuum triumphalium, & turriculorū,  
& pyramidum: ea igitur erunt eius solum fortè molis, ut baiuli  
duo gestare unum queant. Alioqui hīc nō nocebit etiam antiqua  
templa rotunda & alia imitari, itemq; theatra atq; adeò ipsa orbis  
miracula priscis temporibus celebrata, quantum ex eruditorum  
architectorum ingenijs delineari poterint: dummodo sint ita cō-  
caua huic usui comparata, ut eorum aliquæ partes depromi, aut  
aperiri, ac denuo recludi possint: quò recipiant in se ea omnia,  
quæ eis rectè assignaris: omnino uero ut armariorum pulchram  
suggerant uarietatem. Ea quidem orbis miracula, ut sunt à diuer-  
sis diuersè enumerata, & auctiore tandem numero prodita (Bap-  
tista Mantuanus enim inter ea templum Solymorum, & Romana  
theatra præcipuè habenda, carmini alicui suo inseruit) obiter ad  
septem Plenetas astringendo, quæuis occurrentia indubitatè ta-  
men pro eis agnita referemus. Itaq; sub Saturno, sunt: pyrami-  
des Aegyptij, Mausolea quæcunq; sub Ioue: templum Dianæ,  
simulachrum Iouis, & regia Cyri. sub Marte: muri Babylonis.  
sub Sole: arcus triumphales, et colossus Solis. sub Venere: horci  
pensiles Thebarum. sub Mercurio turris Pharia noctiluca, et in-  
gentia theatra Romana. sub Luna: thermæ Diocletianæ, & a-  
liæ, & portus maximī, naualiaq;. Quòd autem nouorū orbis mi-  
raculorum instituendorum primus autor exortus sit princeps me-  
us Albertus dux Bauarus, super libros sacrarum imaginum pri-  
uatim principi aliquot chiliadibus manu Iohannis Muelichij Mo-  
nachienſis pictis, mihi uideor non tenuiter attigisse. cui accidet il-  
los uidere,



los uidere, ob eos ipsos theatrum miraculosum putabit magis celebrandum. Cæterum ipsorum repositiorum, & quasi uasculorum ac thecarum fit etiam mentio ferè principio inter Admonitiones, & super secunda classe Inscr. tertia, ubi FABRILIA ARTIFICIOSA OPERA explicantur. Sed et his omnibus si parietes cum excurrentibus ualuis, in digressionem, quæ iam iam præcessit indicatis, accedant, habebis facile omnia, quæ ad repositoria et loca theatri pertinere uidebuntur.

Haftenus ergo digressiones quas ideo peculiari adieci loco, ne inscriptiones, quas concisas, et suis quasi limitibus circumseptas esse uolui, ullis liberioribus digressionibus fœdarentur. Atq; in hoc fortè habebunt aliquando quod imitentur ij, qui à nobis de ratione scribendi libros aliqua expectant. Sed & ijdem agnoscant studiosè id factū esse, quod hic in angulis externis, seu marginibus superioribus uocabula paucula, de ijs rebus, quæ in occurrentibus paginis continentur ascripserim: quæ etiam uariant, ut aut semel, aut bis in patulis libris, pro rei necessitate apponantur. Dum enim coronidalis titulus, id est, ea inscriptio, quæ in supremo est paginae spacio, non debet carere principali titulo totius libri, aut etiam nomine auctoris (quod prodest ad libros quomodocunq; dissolutos facile colligendos) hi saltem anguli administrent paginarum argumenta: maximè ubi non sunt tractationes in capita distributa: aut ea capita sunt adeo proluxa, ut pagellas uoluendi non statim quæsitæ materiæ occurrant. Patior autem typographos huiusmodi marginales titulos suo quodam modo concordantiales titulos uocare: modo à coronidalibus titulis in medio sitis discernantur. Porro non omnes etiam inscriptiones sumpsimus explicandas, quòd singulas pertractandi aut dilatandi nunquam finis esset futurus. siquidem ea adfunt omnia, quæ uniuersa natura compræhendit, quæ omnes libri docent, quæ tota uita humana suggerere potest: nulla enim disciplina disci, nullum artificium considerari, nulla uitæ conditio mente concipi potest, quæ non habeat hic sua fundamenta, instrumenta, adiumenta, documenta. Ei igitur candidato cui in eiusmodi theatro quale utiliter fundari

iam consului, uersari aliquandiu concedetur, si rebus præsentibus omnibus ascripta sua nomina (loco & linguis ubi uersandum erit necessaria) intuebitur, si ad quas delegerit classes rectè intelligendas non uenerit planè rudis, sed quandam discendi methodo instructus, hinc quæ cognata, differentia, contraria, aut in reliquo subiecto consideranda examinarit, abesse non poterit, quin breuissimo tempore sine magno labore, & periculis molestijsq; quæ alioqui in peruestigatione rerum tollerandæ forent, incredibilem omnium rerum peritiam, & diuinam planè prudentiam acquirat. Nam dū reliqua omnium disciplinarum communia instrumenta sint libri: hinc ex obtutu picturarum, ex inspectione materiarum, & apparatus instrumentorum uniuersitatis, quibus mox partitoria tabulæ, æræ synopses habendæ, subseruiunt, omnia fiunt apertiora atq; dilucidiora. quamuis nolo hinc etiam obticere arithmologias, ad hanc rem carmine collectas pertinentes: si & illæ adhibebūtur, quantum allat uræ sint hinc emolumentum. Tales quidem Gerhardi Fausti antè aliquot annos non paucæ uisæ sunt, & iam prodeunt subide Antuerpiæ non paucæ ab Hadriano Iunio, apud ipsas imagines, & hinc Monachij Græce à Petro Cortoneo ducis medico ac philosopho cuius generis, potissimum tamen Latina, duodecimum in annum (ex omnium ætatum poëtis) colligo, ut non iam chiliades sint exemplorum subinde ad certam rem pertinentium: sed myriades potius non paucæ. Vt autè non est mei instituti hæc omnia ad unguem declarare, sic etiam ulterius nolo dignioribus elogijs totum institutum theatri commédare. Illud enim cuilibet ingenioso principi, ac optimati, & literato, quando rerum aliquam copiam collegerit, aut satis rem totam considerarit, faciendum relinquo.

EXEMPLA



# EXEMPLA AD LECTOREM ET AD PROMPTUARIORUM

sapientiæ exornatores, fundatoresq; bibliothecarum diuersa supellectile instructarum. cum ad omnes materiarum uniuersitatis collectores, & antiquitatis patronos, quos Hubertus Goltzius in suo Iulio Cæsare nominauit. Sam. Quichebergus.



Ræter hoc quòd hisce nostris theatri artificiosarum rerum inscriptionibus, omnes optimates et nobilissimos quosq; cupiam ad similia fundanda præcipue alectare, plane etiam meum institutum est, ut possint in posterum eiusmodi mecenatum, et magnorum obseruatorum per regna Europæ cathalogi adornari, quales de antiquitatis cultoribus prodidit Hubertus Goltzius Brugis Flandrorum, aut quales de illustribus Germanis hisce annis instruebat Heinricus Pantaleon Basileæ Rauracorum. Hoc autem quomodo rectissime aggrediendum sit exempla hic quædam breuiter in medium afferenda putauit, quibus niti cõueniret. Attingam autem iam principaliter, ubi potero ipsos Antiquitatum cultores, ut Goltzius: nominabo qui occurrēt bibliothecarum fundatores: demum eos qui sunt promptuariorum imaginum ex æreis laminis aut aliter proditorum exornatores: omnino autem etiam materiarum uniuersitatis collectores. nam reliqua studia apud hæc subinde concurrunt. Et quidem ut initium ante omnia longe illustrissimum sumam à nostro imperatore Maximiliano secundo: est equidem is testimonio etiam principum multorum omnis ornatus, quem huius mundi profert natura maximus obseruator, et promptuarij rebus pulcherrimis refertissimij, eximius exornator. ut eum ad hæc tempora decoranda ipsa natura summè in rebus nouis efflorescens potissimum enixa uideatur. hic equidem rebus maximis, utilissimis et admirandis hætenus semper deditus, ad huc quicquid temporis à Christiani orbis, et sacri imperij, et regnorū suorum gubernatione ad respirandū habet reliquum, libenter, & liberaliter admodum

admodum confert, in ijs audiendis ac fouendis, quos plurimarum, utilissimarumq; artium inuentores, ac cultores agnoscit, aut usquam terrarum potest indagare. Atq; hinc tot thesauri paterni auctiores reddit, tot scrinia antiquorum numismatum locupletata, tot libri depictarum statuarum, monumentorum, inscriptio num, diuersæ supellectilis et uasculorum ex ruinis erutorum: tot imagines elegantissimæ à præstantissimis pictoribus proditæ totq; res miraculosæ tanta cura conseruatæ, quarum uel Illnus princeps Albertus Bauariæ dux Dominus meus diligentissimus commendator esse non intermisit, quæq; omnes plane inspectores in summam perducere debeant admirationem. Quemadmodum autem Maximilianum Imperatorem suum fratrem in antiquitatum studio imitatos summa cum gloria recensuit Goltzius noster Ferdinandum et Carolum Archiduces Austriæ filios Ferdinandi imperatoris: ita quidem ego innatam eis omnium pulcherrimarum rerum inquisitionem, et artificiosorum promptuariorum fundationem longe illustriori encomio possum assignare, quorum etiam promptuaria digna forent, ut singulis libris describerentur et posteritati commendarentur. Pergam autem, et ad alios, saltem in Germania summos uiros ex Goltzio referendos, quamuis forent in diuersis Europæ locis reges, principes ac alij præstantissimi uiri, res diuersas excolentes, suam quoq; gloriam promeriti, celebrandi: quod etiam non difficile esset, in tanta inscriptionum titulorumq; copia, sed hoc in tam exili epistola minimè licet. quare moderari etiam oportuit inscriptionum uarietatem, ne de singulis omnino exempla afferrentur. Equidem si ad principes electores imperij quasi distinctos reges, pontificesq; progredi conueniret, quorum septem hoc tempore uiuentium, ut frequentî conspectu frui accidit gratissimum, ita multo iucundissimum fuit studia eorundem peruestigare: haberem in singulis quam plurima ad classes nostras pertinentia, quæ nullo modo forent breuib; elogijs prætereunda: haberem inquam in Daniele Brendel ab Homburg archiepiscopo Moguntinensi, quem exoptatum imperij parentem uocare soleo, et in Iohannem de Leien Treuerensem quem antistitem



stitem imperij summæ authoritatis, & prudētiae agnosco, quæ ob restitutas ab utroq; Academijs, literarumq; apud se utrobique reuocatum cultum dignissime celebrarem: de ipsis enim dici debet, eos hoc modo longè præclarissima sapiētiae theatra fundasse: sed quia his rebus scriptam quandam historiam destinavi, longè narrationi hoc tempore puto super sedendum. Quoniam autem de his duobus obiter hæc attingo, etiam in Friderico comite à VVida electore & archiepisco Colonienſe nunquam omitti debet, (quemadmodum Goltzius in eius antecessore comite Mansfeldiano commendauit) antiquitatis studium huic etiam deputatum, adeoq; idem in antiquarum familiarum obseruatione extensum, & in plurimorum librorum collectione confirmatum, ubi cum accedit optima gubernandi electoratus sui forma, facilè reliquæ uirtutes planè heroicæ possunt dignissimis elogijs dilatari. Habeo deniq; (omisso iam rege Bohemiæ imperij electore, qui idem Maximilianus secundus Cæsar est) quod in Friderico Palatino electore contester oculatus, nam antiquitatum musea summa industria ab Othone Henrico pridem Haidelbergæ instituta, ab hoc principe pulchrè expoliuntur, colunturq; idemq; & artificiosæ structuræ planè regio splendent apparatu. neminem autem esse uelim, qui non hic sibi rerum naturalium copiā prorsus admirabilem proponeret contemplandam. Delapsus tandem ad Illmos principes Augustum Saxoniae electorem, & Ioachimum electorem Brandenburgensem, dicam breuiter, sed quod erit omni plausibile nobilitati, in hoc (quantum ad theatri titulos nostros) occurrit officiorum imperij & genealogiarum studium summè approbandum, in illo nominū equestris nobilitatis, & insignium eorundem colligendorum excelsa industria: dignè semper in nostro theatro collaudāda. quibus si non displiceant, quæ his de rebus sum in posterum collaturus, ulterius exornandi orbis nostri fuerit ianua patefacta. His autem omnibus, quia hic satisfacere non datur: alio aliquantisper diuertere oportebit. & quidem non absolutum aliquem cathalogum hic conteximus, sed quædam tantum exempla conſectamur, ex his potissimum locis ubi in superiore Germania paulo diutius uer-

sati sumus. utpote ex Bauaria, Sueuia, & Franconia, donec liceat undiq; uiros doctos & artifices orbis & seculi nostri præclaros, suis principibus aut regionibus subiunctos amplissimo catalogo pro iuuanda solum posteritate, æternæ memoriæ cōsignare Progredimur ergo statim ad nomina quædam à Goltzio annotata: ac ubicunq; res postulabit, uel adiungimus noua, uel unicuiq; priorū aliquid huius generis studiū, quod ex nostro theatro præcipue excoluisse uideatur, breuissime ascribimus. ita quidem ut hæc exemplorum enumeratio, non iam historia eorum qui adducuntur dici possit, sed solum catalogus theatri cultorum succinctus debeat appellari. Occurrunt itaq; ibi apud Goltzium potissimum hi principes quatuor. in BAVARIA Mōachi: Albertus com. Pal Rheni, utriusq; Bauariæ dux, qui Bauariæ est monocrator: in Sueuia, ex eis qui ibi fixam habent sedem (nam et alij erant ascripti) Augustæ nominatur Otho Truchses à VValpurg Cardinalis Augustanus & in eadem Sueuia Stutgardia, Christopherus dux VVirttembergensis: In FRANCONIA Herbipolis Fridericus à VVirfberg episcopus VVirtzburgensis idemq; dux Franconia Orientalis, quos ego ut quidem omnes domi suæ uisitaui, & rerum literatarū obseruator diligens fui, ita amplius aliquid in eis quam celebrat Goltzius facile agnouī: Et quidem in Alberto Bauariæ duce optimo principi meo, est inter grauissima ciuilis gubernationis negotia, hoc quoq; illi insitum liberale studium, quod iterum atq; iterū hic commendo, fundandi scilicet excelsi cuiusdam imaginum & artificiosarum miraculosarumq; rerum theatri, quale nullo unquā seculo extitisse agnoscendum est. quod sanè eiusmodi exurgit, ut qui uiri principes, qui literati, qui artificiosi illud maximum institutum ignorent, per Europam nondum quicquā literatorum negotiorum inquisuisse uideantur, in quo ipsis summa gloria, & uirtus proposita sit summo studio colēda, imitanda & exornāda. Quam ergo iucundum fuerit de hoc principe hæc accipere celeberrimis illis antiquitatum scriptoribus Huberto Goltzio in Flādria, Iacobo de Strada in Austria, AENEÆ Vico in Italia, & Medoro Venetijs, deniq; Iohanni Sambuco Panonio in patria sua, qui per

agratie



agratis multis terris harum rerum causa, nuper in Belgio quoque uoluit peregrinari, maxime cum tanta rerum illustrissimarum copia hic coniungatur, cum tanto studio quidquid habet artificio & eruditione eximium orbis noster inquiratur, ac in unum quasi cumulum conferatur. Deinde de Othone Cardinale Augustano, & Friderico episcopo VVirtzburgensi, gratulamur illis, unumquemque ipsorum, ob fundatas singulas Academias (quarum altera Dillingana Sueviæ iam multis annis plurimum frequentatur, altera VVirtzburgensis optimam sui spem ostendere uidetur) inter summos nostri seculi patronos & studiorum parentes numerari: cum accedant hic undique dotes admirandæ: in inquisitione & promotione plurimorum optimorum librorum, & omnis Germanici decoris fidelissime prouehendi. De Christophero duce VVirtembergense, præter antiquitatum studia, quæ Goltzius in ipso commendauit, etiam miraculosarum materiarum & architecturæ gratissimum multis patronum dudum extitisse monere possum: at quantum in his operæ posuerit, quantaque absoluerit paucis equidem paginis refferre non possum. Quibus Goltzianis exemplis ut addam alios adhuc principes, ad quos Goltzius eo tempore non deflexit: in Bauarico circulo necessario nominandi occurrunt, quatuor isti episcopi: Iohan. Iacobus Khuen archiepiscopus Salisburgensis: Urbanus à Trembach episcopus Passauiensis: Vitus à Fraunberg episcopus Ratisponensis: Mauritius à Sandizel episcopus Frisingensis: quorum singuli selecto aliquo studio, uno aut pluribus, præter reliqua suo ecclesiastico muneri necessaria, delectantur: ut illustrium uirorum effigiebus colligendis, bibliothecis locupletibus instruendis, numismatum libris à Germaniæ proceribus & episcopis cuforum integris catalogis adornandis, nobilitatis Germaniæ insignibus et armis colligendis. in quopotissimum insignium studio Urbanus Passauiensis episcopus quamplurimis Germaniæ principibus, summo est ornamento. Sed & in hac Bauariæ uicinia, quod apud Goltzium legitur de Fruxinensi episcopo Huttenicæ gentis, id pertinebat

ad Aistadium ubi interea temporis Mauricius à Scha ũberg suam quoque in ædificanda noua schola exornans spartam, dudum meruit ut sua etiam in illustrandis literis & theatris laus minimè debet præteriri. Sed & ibidem dominus præpositus, Ambrosius de Gumpenberg uir grauissimæ ætatis præter numismata, quæ multis annis Romæ collegit, omnium etiam artificum peregrinorum hospes & patronus extitit, multaq; diuersissima ingeniosa opera promouit excoluitq;. In quo genere, addito illustri historiarũ studio, assurgit laus amplissima Alexandro Fuggero præposito Frisingensi, quæ subinde fructus uberrimos patriæ proditura speratur. Hinc autem ad nobiles alios quoq; transire conuenit, in Bauaria passim celebrandos. Ibi ergo in aula ducis Bauariæ, nominato à Goltzio præcipue V Viguleo Hundio uiro equestri, & doctore, addo nunc eum præter cusa illa antiqua numismata, etiam nobilium familiarum uetustatem summo studio indagare, iisdem singulis sua insignia mira industria assignare, multa ad Bauariæ regionis honorem monumenta peruestigare. Et quidem in iisdem studiis, pulchrè ibidem agnoscimus eorundem alios quoq; cultores præstantissimos. in studio enim genealogiarum admiramur Otto Henricum baronem Schuartzenbergum Bauaricum ethnearchā: in insignibus colligendis inter reliqua sancta planè studia officiaq; Simonem Eckium Cancellarium in monumentis ueterum obseruandis: V Vilhelmum Lœschium equitem auratum, apud ducissā aulæ præfectum, & Michaellem Heumair I. C. idem studium cum genealogiis minimè priuatim pertractantem. Sic etiam bibliothecæ fundatorem industrium habet Salisburga Sebastianum Hœflingerum Salisburgensem Cancellarium. habet iterum Monachium Hieronymum Prunnerum, libros maxima copia conquirentem, quos ego rectè commendare possum, qui eis ualde liberaliter uti solebā: ubi etiam antiqua Ridleriana libraria colēda est. similiter & Christopheri Brunonis, qui librorum adeò auidus est, ut typographicum prælum, cum typis suis domi nuper extruxerit. Deinde huc pertinent à Goltzio quondam Pisis salutati inscriptiq; Sigismundus, Fridericus Fuggerus, & Vitalis Gmelich iam potissimū



Salisburgæ in antiquitatum, & ornatissimarum rerum studijs ita-  
 ro commendandi. similiter Osualdus ab Egk, in oppido Kelhaim  
 supra Ratisponam numismata mirè colens, & paternam bibliothe-  
 cam Leonhardi ab Egk quondam celeberrimi Bauarici consiliarij  
 ada ugens præteriri silentio minime debet. Est & modis omnibus  
 commendandum Sebastiani Reifacheri. I. C. & philosophi, Baua-  
 riciq; apud Burgusium consiliarij inauditum philosophiæ theatrū  
 ( iam enim ita uoco ) quod longè aliud exurgit quam Iulij Camil-  
 li quōdam, quod per productas capsulas confarcire oportuit, in li-  
 bris iam inspiciendum: quod sanè inuentum primæ philosophiæ,  
 quā ipse sic uocat, nouum uniuersæ Europæ debeo declarare, quē-  
 admodum id, quod in disciplinarum omnium certitudine, & per-  
 fectissimis methodis, tanquam sapientiæ portis aperiendis, summā  
 literis utilitatem & perspicuitatem planè diuinam attulisse uidea-  
 tur. huius etiam studium extenditur in Bauaria, cū in alijs maxi-  
 mis ingenijs, tum in Alberto VVimpinæo Ingelstadij, & Carolo  
 Rauhenbergo Ratisponæ. Nouerit etiā hoc loco Goltzcius Ingel-  
 stadij Philippum Apianum, ut omnis pulchræ supellectilis, ad ma-  
 themata suā exornanda pertinentis etiam omnium antiquitatum  
 dignissimum patri successisse cultorem, nouerit & Fantneros Ge-  
 orgium & Iohannem quam plurima numismata, pridem tū alibi  
 tū in tota Bauaria collecta pulchro ordine Landishutæ asserua-  
 re. Itemq; Monachij non prætereo etiam ex Goltzio Ludouicum  
 Schrenkium, atq; Mullerum, cum in utrisq; familijs non pauci sint  
 & antiquitatum & imaginum materiarumq; rarissimarū studiosi.  
 Sciant etiam præclari historici, non minus ac iamdudum agnoue-  
 runt principes, ac reges ipsi, in hac ali Bauaria Orlandum de Laf-  
 sus, tanquam musices nostri seculi parentem, quem ubiq; colunt li-  
 terati, imitantur musici, commendant optimates: nam & huius ope-  
 ribus, bibliothecæ clarissimæ, & musea delicatissima mirificè  
 opplentur expoliunturq;. Atq; utinam hinc ulterius ad alios præ-  
 claros in uniuersa Bauaria uiros celebrandos excurrere liceret.  
 Equidem segetem longè amplissimam eorum qui cum alijs in locis  
 tū uero maxime Ingolstadij sunt demonstrarē, sed ut est hic bre-

&amp; Sue.

uitas certo præscripta, in alium locum exempla eiusmodi conieci: cum & reliquis Goltzianis nominibus, in Bauaria ascriptis, satisfaccere prohibear: imo, uero doleo, quod cogar adeo ipsos professores Ingelstadienses longè clarissimos præterire, ubi tamen me consolari possit, quod partim per se sint celeberrimi, partim elogijs Viti Iacobæi poetæ sint commendati. sed quod attinet ad cõquisitores bibliothecarum dicere debeo, Georgium Theandrum ibi bibliothecam amplissimam uniuersalem, Martinum Eifengreï theologicam præstantem, Rudolphum Glenkium, & Leonhardũ Probstelium, abstrusorum librorum thesauros colligere dignè instituisse. progrediar ergo nunc ad eos, quos Augustæ Goltzius nominauit, suntq; primo fratres duo Fuggeri, Iohan. Iacobus, & Raimundus, de quibus quantos compararint, ad eos, quos etiam à parentibus acceperunt, antiquorum numismatum thesauros, nisi esset iam literis commendatum, hîc eos non liceret, sine maximis elogijs præterire, sed ut de iisdem pro theatri nostri ratioe aliqua maiora annotem: sciendum equidem ex eis Iohan. Iacobum bibliothecam fundasse Fuggeranam, eiusmodi quidem copia ut in ea commendanda & referenda, iusti commentarij (quod & ipse quodam ostendi quomodo fieri deberet) opplendi forent, eius ergo indices nisi publico usui emittantur, maximo bono seculum nostrũ uidebitur defraudari. Raimundus uero cum eodem fratre, antiquarum statuarum librorumq; in quibus innumera numismata priuatim depinguntur, tanta uolumina adhibito Iacobo à Strada cõquisiuit, ut si asportandi sunt, eis aliquot clitellarij muli debeant onerari: cuius argumenti exemplaria solum in Cæsareis museis apud Maximiliãum imperatorem conseruãtur, augenturq;. Adde re hîc oportet, pro inscriptionibus theatri nostri, esse quoq; à Georgio, & Marco Fuggeris patrue libus, singulas domi confectas bibliothecas, quæ uel principum regijs dignæ esse possent: dum enĩ Marcus linguis & historijs, Georgius uero mathematis & philosophiæ plus iſeruiuit, reliquis etiã studijs cũ delectu adiũctis cuiusque gloriam perpetuo uigere animaduerto. Ita etiam in domino Christophero & Iohane Fuggeris, similiter inter se patrue libus,

&amp; duorum



& duorum proxime nominatorum fratribus, est quod summè conlat theatrum nostrum: ambo enim simili studio ingeniosarum imaginum, sculpturarum, & admirandi artificij supellectilis, & preciosorum uasculorum aliarumq; rerum, quæ posteritas ex hac florenti ætate profectas, plurimum admiratura, & plus fortè, quàm antiquas Romanas cultura, liberales patroni extitère, multisq; hominibus in nouis rebus excogitandis adiutores fuère. Vbi & peculiariter Iohanni accessit, quòd præstantissimorum undiq; ingeniorum liberalissimum sese patronum obtulisse agnoscat. Hic autem Goltzio quoq; aperire debeo, quam insignem antiquorum numismatum copiam Michel, Luduuig & Ferdinandus à Freiberg in libros argentearum laminarum disposuerint, intraq; raras quasdam lances gemmarum modo inseri curauerint, quibus fane nihil in hoc genere illustrius tota Sueuia habere putatur. Vbi & eadem Sueuia habet Frobeni, Christopherum comitè à Cimbern senem historiarum & aliarum maximarum rerum peritissimum & insignium armorumq; cultorem admirandum. & V Vilhelm V Vernherum comitem itidem à Cimbern, mirabilium uniuersæ naturæ inquisitorem, cuius equidem promptuarium uulgò Germanorum, non iam Kunstkamer, quod est artificiosarum rerum conclaue, sed solum V Vunderkamer, id est miraculosarum rerum promptuarium undiq; uocant. quo etiam nomine suum quoddam fundauit Vlricus comes à Montfort in Sueuia quod est etiam mirabilium naturalium conclaue summè perpolitum. Cæterum ut Goltzius Augustæ Iohan. Henricum Heruuartum ex patricijs Augustais primum antiquitatum cultorem ponit, cui etiam non longè post Lucam Rhenum subiungit, ita mihi hoc quoq; in eis dicendum occurrit, quòd in colligendis imaginum promptuarijs ad extrema usq; Europæ regna debeant celebrari: cuius gloriæ Fuggeros etiam ibidem habeas quam maxime capaces. de quibus præfertim Antuerpia Venetiæ, & Rōa, quæ æporia plerosq; gignunt artifices, ac pictores in cupro iagies coelantes, gloriari debet esse salte eiusmodi Mecœnates, qui in artis hōorē ōnia quæ ūquā extitère  
in certa

incerta quædam musea colligere satagant. quos tamen iam pridē  
 illustrissimus princeps Albertus Bauariæ dux, suum extruens re-  
 gali apparatu theatrum, plurimū superauit. Qui etiam imagines  
 biblicas non paucis, ut supra dixi, chiliadibus manu Iohānis Mue-  
 lichij Monachienfis pictas in libris musicis sumptuosissimis, eis in-  
 credibili gloria associauit, ut illa iam coniuncta promptuariū ima-  
 ginum tanquam peculiarem bibliothecam, constituere uideātur.  
 Est & præterea Augustæ Peutingeranum museum, non minus nu-  
 mismatis & minutis æreis statuis refertū, quàm iuridica bibliote-  
 ca ornatissimum. quod quidem hoc anno, ædificijs additis Chri-  
 stopherus Peutingerus urbis præfectus ampliauit. Hic optari equi-  
 dem Germanis quibusdam, ut uidissent solum in Lombardia mu-  
 seum & reconditoria istarum rerum Marci Mātux Benauidij pro-  
 fessoris Patauini, esset exemplum perpetuo imitandum: cuius rarā  
 suppellectilem ut describerent, dudum Italos quosdam sum obtesta-  
 tus Minutas autem æreas statuas nouas collegit, ac etiam sua ma-  
 nu fudit, & aliqua ex parte cū multis rebus alijs effigiauit Marina  
 Pfistera matrona honestissima, quæ simul instrumentorum torna-  
 tilium, fabrilium, pictoriorum, mathematicorum, musicorum sola  
 collegit promptuarium plenissimum: cuius etiam fructus post eius  
 mortem, dum eam plures imitari studuerunt, late sunt extensi Re-  
 liquorū autem quatuor ibidem à Goltzio adductorum nomina  
 qua gloria passim celebrantur, omitti etiam à me non debent: ut  
 Christopherus Rhelingerus, Marcus VVelferus, Bartholomeus  
 Mai, & Adolphus Occo, Vbi quidem ego, qui singulos indagaui,  
 ascripsi etiam rectē Iohan. Achillem Ilfung Cæsaris consiliarium,  
 & Paulum Vehlim itemq; Carolum Neitardum Patricios Augu-  
 stanos (cuius Caroli fratrem Christopherum Neitardū apud Lug-  
 dunēses, quod ibi diu habitaret, inter antiquitatum patronos Golt-  
 zius non neglexit) & VVolfgangum Rauenspurgerum, & Geor-  
 gium Meulichium, quorum aliqui ex suis numismatis, etsi non ad-  
 eò, ut reliquorum, copiosis, meum tamen inde locupletare thesau-  
 rum non intermisere. sicuti recentius adhuc etiam in aula Cæsaris  
 Leonhardus ab Harroch iunior baro clarissimus, & in aula Baua-  
 rica



rica Leonhardus à Mamingen uir nobilissimus, quædam mihi ob-  
tulerunt: & nuper admodum Iohannes Aurpachius I. C. principis  
tüm consiliarius, postmodum episcopi Ratisponensis Cæcellarius,  
secum ex peregrinis locis allata, quædam mihi non ingrata, apud  
res meas uoluit asseruari. ascripsi deniq; Augustæ alijs titulis Iohā  
Baptistā Haintzelium V. C. librariam quandā suā, & bibliothecā  
Augustanæ reipub. cui præfectus Hieronymus V Volsius mirifice  
locupletantem, & eundem V Volfium ex suis ferè tantum foetu-  
ris, orbi nostro utilissimis, bibliothecam preciosissimum instruentē.  
Præter hos reliqui Augustæ à Goltzio nominati peregrini potissi-  
mum fuerunt, qui uel cum Cæsare, uel aliās in comitib; istis tempo-  
ribus adfuere, sicuti me quoq; quem eis, etsi titulo, quā profitear,  
maiore, addidit dico isthic ob frequentes Imperij conuentus liben-  
ter commoratum fuisse, hos inquam in aliud tempus & locum uo-  
lui reseruare, quando in pluribus studijs fuerint suis in sedibus cele-  
brandi. Siquidem inde sua omnia procul dubio abstulerint, ut &  
ego, qui quæ Augustæ habebam, partim mecum in peregrinationi-  
bus & Monachij esse uolui, partim Leonī fratri meo Noribergæ  
aut apud Schurstabios asseruanda destinaui. Vbi quoq; Norim-  
bergæ, qui fuit Rœmerianus thesaurus, apud Georgij Rœmer fili-  
os, cum uoluptate spectauī: & Bilibaldi im Hoof maximi patricij,  
deniq; Georgij Chonleri equitis & doctoris numismata, tantī sem-  
per feci, ut nunquam non ditissimis gazis, quemadmodum & Gol-  
ztius ea refert, censuerim annueneranda. ubi etiam minime debuit  
præteriri Iohā Stark uir sane magnus, & Hieronymus Brusterer,  
ac Stephanus Braun, itemq; Sebaldu Flechner. quoniam horum  
nullus (sicut & eorum qui sunt à Goltzio nominati) qui non etiā  
imaginū prœptuarium fundarit: id est, picturarū ex æreis laminis  
cusarum. quasi peculiarem bibliothecam acquisiuerit. qua tamen  
imagines colligendi industria Hieronymus Baumgartner uir gra-  
uissimus clarissimusq; atq; itē eius filius præ reliquis adhuc commē-  
dantur. nec non etiam Nicolaus à V Vimpfen, & Paulus Ketzler.  
Reperio autem & hos in Goltzio: Sebaldu Zilinger, V Valber-  
tum Pfrauner, Eustachium Molber, Fridelinum Bandel, Rutgerū  
H Bremling.

Bremling. Habet autem illud Norimbergense emporium, quantū ad theatri nostri excolendos separatos titulos (præter eos qui uniuersa in imaginibus, ac materialia etiam colligunt, inter quos noti sunt Mositzer, & Gamitzer aurifabri, Iohannes Neudorferi duo præstantes arithmetici pater & filius) omnīs generis artificiorū & negotiorum, studiorumq; tam insignes cultores, tam multiplices nouarum rerū in omni uita necessariarū inuentores, ut peculiare potius de eis contexere commentarios conueniat (quod neutiquā suo loco intermittam) quam hic aliquid cōtinuare, uel potius im- perfecte inchoare. nam si de ijs artificibus dicendi locus foret, ad alios statim esset per urbes imperij transeundum, & multa etiam de Monachiensibus sculptoribus, horologiarijs, ensifabris, bombardarum, & aliarum rerum exquisitis artificibus dicendum, quorum opera longissimē ad exteros summa cum gloria perferuntur. Reliqui autem iam sunt in Franconia VVirtzburgi à Goltzio nominati repetendi: estq; ibi Iohannes Zobel cubicularius Franconicus hæreditarius, & VVolfgangus Theodoricus ab Hutten decanus, & Eberhardus ab Ehingen prouincialis commendator, & Michael Peuterus. I. C. qui hoc tempore in uiuis erant, quibus addito præcipue Balthasaro ab Helu Franconico & Vvurtzburgensi Cancellario, in excolenda nobilitate, historijs, literis egregie prouehendis necessario ueniūt celebrandi. Atq; ita hic plerosq; breuiter ex Goltzii Cæsare repetiui, quantum hoc tempore conuenire putabam. Video enim ulterius progredi ad alia superioris & inferioris Germaniæ loca minime oportunum esse, nisi me neglectis rationibus immensis undis Oceani credere liberet. Nedum ut repetam quos Goltzius in Italia dignissime citauit: nam & ab eis nominandis etiam argumenti magnitudo nos debet detertere: ut si modo recolenda sint unius summi pontificis Pij quarti ingeniosa ac splendida opera Romæ excitata, siq; inde per ducum regias, & regios animos sit percurrēdum, si ducis inquam Florentini, Ferrariensis, Mantuani, Urbinatī, & aliorum sint in his promouendis studijs ingenia commendanda, uix id capere maximi commentarij possint, ut nihil inueniam consultius, quam ut, Goltzium imitatus, solum



sum nudis nominibus referendis insistam, atq; eos quos obiter attingo, liberalissimos in his studijs fouendis patronos edicā. Nā & occurret tota Gallia, & Hispania, & alia regna, cū suis regibus, si modo limites huius instituti prætergredi auderem. Exspectandū est ergo donec magni aliqui principes, diligentesq; historici, uiriq; literati qualescunq; has meas inspexerint theatri inscriptiones. ut quid me fortē monere, quibusq; cōsignatis nominibus iuuare nos uelint, quoquo modo me reddant certiozem. Nam mihi animus est, cum hæc optimi quiq; non improbauerint, de alijs quoque rebus non inornatis quædam apud eosdem proferre. deq; scribenda nostri temporis historia quædam emittere. Vtor autem meo iure perpetuo, in omnibus scriptis ut clarissimorum hominū, eiusmodi singula, quorum incidit mentio tractantium, nomina inseram, deq; ea re ante me scribentes nusquam omittam: sed potius certos catalogos, quippe historiariū nostri temporis cultor, ubiq; apponā. Interim uero, qui à Goltzio, pro suo erga singulos amore, sūt durabili memoriæ consignati, quod peropportune accidit sub patrocínio Domini M. Laurini de VVaterflito, sese præbeant non ingratos (iam enim ego Samuel pro me, meoq; patruele Petro Quicchebergo Antuerpiæ à Goltzio nominato spōdeo) sed quisque, ut cœpit illud antiquitatum studium amare, magis magisque excolere nunquam defatigetur. atq; dum à me singuli pro ratione plurium titulorum inuitantur, ne quæso sese præbeant, quin uberiora sectentur, apud me surdos. Simul uero hoc mihi denuo precanti concedant studiosissimi quiq; ut eorum qui eius generis musea, uel theatra, uel promptuaria uariē instruxerint, excolantq; ad huc, diligenter consignare nomina non grauentur. Ex arce noua urbis Monachiensis, quæ est archipolis Bauariæ superioris. Anno Domini M.D.LXV. mense Octobri.

FINIS TOTIVS THEATRI ET EXEMPLO-  
rum hoc tempore obuiorum Sam. Quicchebergi.

SALOMONIS EXEMPLVM SVMMAE  
sapientiæ, & rerum ubertatis, utilissimè pro conclusione  
omnium commemorandum.

Dedit quoq; Deus sapientiã Salomoní & prudentiam multam nimis, & latitudinem cordis, quasi arenam quæ est in litore maris. Et præcedebat sapientia Salomonis sapientiam omnium Orientalium, & AEgyptiorum. Et erat sapientior cunctis hominibus, sapientior EthãEzrahí te, & Heman, & Chalcol, & Darda filijs Máchol; & erat nominatus in uniuersis gentibus per circuitum. Locutus est etiam Salomon tria millia parabolas, & fuerunt carmina eius quinq; millia. Ei disputauit super lignis à cedro quæ est in Libano, usq; ad hyssopum, quæ egreditur de pariete: & disseruit de iumentis, & volucris, & reptilibus, & piscibus. Et ueniebant de cunctis populis ad audiendũ sapientiam Salomonis, & ab uniuersis regibus terræ, qui audiebant sapientiam eius. 3. Reg. 4. D.

EZECHIAE REGIS EXEMPLO ORANDVM,  
ut harum rerum possessoribus sit pax.

In tempore illo misit Merodach Baladan, filius Baladã rex Babyloniorum, literas & munera ad Ezechiam, audi erat enĩ quod ægrotasset Ezechias, & ostendit eis domũ aromatum, & aurum, & argentum, & pigmenta varia, vnguenta quoq; & domum vasorum suorum, & omnia quæ habere poterat in thesauris suis, non fuit verbũ quod non monstrasset eis Ezechias in domo sua, in omni potestate sua.

Cum uero subesset hic quædã arrogancia, & in tãtis rebus ipsi ethnicis commonstratis temeritas, male regi ominatur in futurũ tempus Esaías propheta, idq; multis uerbis à Domino suggestis cui rex ita respondit.



Bonus sermo Domini, quem locutus est: sit tantum  
pax & veritas in diebus meis. 4. Reg. 20. D.

Omnia ergo solum ad laudem diuinam & ad hominum uer-  
gant utilitatem.

## SYMBOLVM LIBELLI.

Dedit hominibus scientiam Altissimus honorari in mi-  
rabilibus suis. Ecclesi. 38. A.

Hic destinaui locum corollaris, quæ adijciēt, illustribus nomi-  
nibus, ascribēdo, amici harum rerum studiosi, & alij uiri docti, at-  
que etiam fortē typographi, & poētæ, ut si quando libellus nobis  
sit recudendus, ijdem adiungantur. Atq; ita ex philologico (qui  
est ob inscriptiones) fiet etiam historicus, ob tot præclaros uiros  
undiq; terrarum inquisitos, inq; eo celebratos. donec nominibus  
illis liberius adauctis, seruiant simul maximo operi exemplorum  
historicorum nostri temporis, à nobis instituto. Cuius operis etsi  
prima delineatio publicè usq; in annum MD LXV non est con-  
specta, tamen opportunum tandem erit eam proferre. Habebunt  
autem interim occasionem illi, qui nos nominibus iuuare uolent  
optimam, ea transmittendo ad Georgium V Villerum Augusta-  
bibliopolam, & typographorum plurimorum in tota uicinia adiu-  
torem & patronum: qui iam satis notus est catalogis librorū, quos  
de libris, singulis nundinis Francfordiensibus diuulgatis, ædit, &  
hominibus literatis passim impertit. Cæterum quod iam etiam at-  
tigi, libellum nostrum partim esse philologicum, partim euadere  
historicum, ideo factum est, ut bibliothecarum adornatores & lo-  
cupletatores ex me etiā audiant, ad quas bibliothecarū classes uel  
stationes ac indices, considerata argumenti diuersitate, totu-  
commentariolum putem referendum.

# THEATRVM

ΠΕΤΡΟΣ ΚΟΡΤΟΝΑΟΙΣ ΕΙΣ ΤΟ ΘΕ

ατρον Κρικκεμβέργα:

Ὅσα φύσις τέχνητε βροτῶν χάριν οἶδε νοῦσα  
οἱ ἀπὸρ ἐξ αὐτῶν ὅσο διατρον ἀγῶ.

ΑΛΛΟ

κόλπον ἀπειρεσίᾳ κόσμος τὸ δέ ατρον ἀνοίγει:  
ὅσο διακρίνει καὶ γὰρ ἕκαστα μόνον.

ERASMVS VENDIVS IN THEA-  
tra Illmī principis Alberti Bauariæ ducis.

*Si quid habet rariuastis complexibus orbis  
Æmula natura Boia theatra tenent.  
Principis Alberti fulgent monumenta benigni.  
Excelsæ mentis sunt simulachra suæ.*

VITVS IACOBÆVS POETA  
CAESAREVS

Hic inter studia pacis suggeri etiam armorum excercitationem.

*Tempore quid pacis meditandum, aut tempore belli,  
Hac Quicchelbergus sub breuitate docet.  
Accipe nobilitas tua quid sibi munia poscant,  
Agnosce officium doctaq; turba tuum.*

GABRIELIS CASTNERI ELEGIA  
cum ad Sam. Quicchebergum historica exempla  
secundum classes theatri colligentem.

*Goltzius extremis famam quæsiuit in oris,  
Dum studio ueterum colligit æra patrum.*

*Vna tamen*



*V*na tamen res est, species nec discolor illa,  
*A* primo nusquam diuariata scopo.  
*H*eu tua quos peragrat Samuel meditatio campos,  
*M*ateriam nullo tu prope fine seras.  
*H*ic simulachra locas sacra, hic insignia, mappas,  
*M*aterias illic ponis, & effigies.  
*D*as generum series, das instrumenta sororum  
*E*uterpes nymphæ, Terpsichoresq; deæ.  
*S*ingula quid dicam? res infinita relatu est,  
*Q*uæ poscit studium poscit & ingenium.  
*S*i laus tanta ergo per sola numismata surgit,  
*Q*uantam nunc merito Goltzius autor habet,  
*Q*uanta Quicelbergo debetur gloria nostro,  
*Q*ui species rerum colligit innumeras?  
*H*inc ubi quem longo concinnas tempore librum  
*A*edes, exemplis qui scatet historicis,  
*T*unc facili dudum qui currere tramite cœpit,  
*S*e magis effundens laxior ibit honor.

IODOCVS CASTNERVS DE  
 theatro Quicchebergi.

*A*rtis ut immensa captus dulcedine lustres  
*M*irandum vastus quicquid hic orbis habet,  
*T*urgida nauifragum quid opus dare uela per æquor?  
*Q*uid cupide terras tot peragrarè iuuat?  
*V*num per

*Vnum per classes quod promit cuncta theatrum  
Esse potest mundi totius instar opus.*

IOACHIMVS HABERSTOK FRISIN.  
gen. ad AEgidium Oertel, & Sam. Quichebergum.

*A Equatur numero, Musis exulta, deorum,  
Solis & exuperat, mens studiosa, domus.  
Hæc sed ob inuigiles saltem (res magna) labores  
Cœlitus adueniens gratia dia datur.*

*Nec nisi in ingenuis Musarum ritè latebris  
Versans, hoc tanto munere dignus erit.*

*Lustrare ergo sacras res est pia bibliothecas,  
Inde etenim nomen crede perenne uenit,  
Credita sicq; tibi, Boiani principis. Oertli  
Perpetuum nomen Bibliotheca dabit.*

*Sed maior longè, multis celebranda Camœnis  
Ardua res doctis & labor ille uiris.*

*Multiplici serie &uarijs spectanda figuris,  
Instituisse noua Musica templa modo,  
Quod benè constructo præbes Quicheberge theatro,  
Quo si quid, moriar, doctius esse potest.*

FINIS.





